



0 1cm 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28



浙江圖書館




浙江圖書館




浙江圖書館



浙江圖書館



浙江圖書館



浙江圖書館

皇明名臣琬琰錄序

始江陰嘗刻皇明名臣琬琰錄起洪武至成化諸名公大夫誌銘傳狀脩焉其稱名緣宋舊也成化後不復傳又於時亦多挂漏者予乃與楊祠部豫孫益蒐之其後予宦遊所得為最多以至武弁中璫之貴重者與布衣之賢者亦與焉為人以千計卷亦過百予少則已慕稱先名公大夫之業顧不得探石室窺

國家之藏其流之人間者間一浙寓目焉而未敢馮也夫琬琰家史也

國史人恣而善蔽真然其叙章典述文獻不可廢也野史

人臆而善失真然其徵是非削諱忌不可廢也家史人史  
而善溢真然其績宗閥表官績不可廢也  
國以草創之野以討論之家以潤色之庶幾乎史之俛哉  
如其筆削以俟君子

萬曆歲次甲申十二年嘉平月瑯琊 王世貞拜撰

皇明名臣琬琰錄總目

卷之一

襄武湯公和神道碑

武順鄧公神道碑

穎國公礪山傅公傳

涼國公定遠藍公傳

胡顯泉傳

昭靖沐公神道碑

忠敬沐公神道碑

武僖沐公神道碑

浙江圖書館

王世



朱夢炎

袁袞

國史實錄

黃全

王景

楊士奇

倪岳

莊襄沐公神道碑

楊廷和

莊襄沐公墓誌銘

蔣冕

太子少保侯公墓誌銘

楊廷和

戶部尚書孫公傳

顧璘

東潯石公神道碑銘

謝遷

卷之二

戶部尚書鄭公墓誌銘

戶部尚書鄭公傳

許宗魯

戶部尚書楊公墓誌銘

張文憲

莊簡鄒公神道碑

張壁

浙江圖書館

鄒文盛傳

尚書李公傳

文敏李公墓誌銘

西陂劉公墓誌銘

樵村賈公神道碑

戶部侍郎卓公傳

焦公神道碑

戶部左侍郎孫公行狀

明山王公傳

野田先生傳

廖道南

胡直

翟鑾

潘恩

鄭曉

王直

楊廷和

浙江圖書館

斗菴韓公神道碑

卷之三

靜菴袁公墓誌銘

及公墓誌銘

靜齋石公墓誌銘

東河師公傳

忠宣黃公神道碑

安平張公神道碑

戶部尚書陳公神道碑

龍溪潘公墓誌銘

靳貴

李廷相

潘恩

黃佐

楊士奇

李賢

王慎

李東陽

浙江圖書館

太原梁公神道碑

李東陽

平山高公墓表

李東陽

正誼雍公墓誌銘

呂柟

成齋林公墓誌銘

舒芬

江寧吳公墓誌銘

楊一清

戶部尚書熊公墓誌銘

喻時

和順王公神道碑

楊一清

戶部尚書鄧公墓誌銘

戶部尚書李公墓表

卷之四

浙江圖書館

文莊王公傳

袁袞

平川王公行實

馬里

梅軒蔣公墓記

蔣冕

煙村鄧公墓表

夏言

華泉邊公神道碑

李廷相

莊敏許公墓誌銘

王廷相

襄敏周公傳

唐順之

戶部侍郎李公和傳

全椒馬公神道碑

王與

養齋徐公墓誌銘

張袞

浙江圖書館

書菴盧公墓誌銘

潘恩

戶部尚書鮑公墓誌銘

江道昆

戶部侍郎侯公墓誌銘

程文德

戶部侍郎黃公墓表

雷禮

歐溪楊公傳

王世貞

戶部侍郎喻司徒傳

卷之五

禮部尚書崔公傳

雷禮

禮部尚書陳公傳

鄭曉

敬齋李公墓表

楊士奇

浙江圖書館

禮部尚書呂公神道碑

楊榮

忠安胡公神道碑

李賢

禮部尚書楊公傳

王鏊

禮部尚書石公墓誌銘

劉定之

康靖鄒公神道碑

徐溥

文安周公神道碑

徐溥

東谷徐公墓誌銘

張昇

文穆傅公墓誌銘

李東陽

文端周公神道碑

李東陽

石城李公墓誌銘

浙江圖書館

文毅傅公神道碑

馮蘭

文簡毛公行狀

邵寶

禮部尚書黃公行狀

李一瀚

文通費公神道碑

嚴嵩

文莊歐陽公神道碑

徐階

禮部侍郎魯公神道碑

宋濂

禮部右侍郎董公傳

袁袞

禮部侍中黃公傳

鄭曉

文簡儀公墓碑銘

曾榮

禮部左侍郎李公墓誌銘

楊士奇

浙江圖書館

金公素傳

禮部左侍郎章君墓銘

文肅錢公神道碑

安成公神道碑

襄陵邢公墓誌銘

補菴費公神道碑

致齋黃公神道碑

文簡馬公行狀

侍郎朱公傳

瞿文懿公傳

浙江圖書館

楊榮

王直

彭時

岳正

倪岳

霍韜

王維楨

胡直

王世貞

卷之七

文安王公傳

東園張公傳

文僖倪公墓誌銘

文僖黎公行狀

禮部尚書童公墓誌銘

樗菴謝公墓誌銘

安簡王公傳

禮部尚書朱公墓誌銘

文肅吳公傳

浙江圖書館

陳敬宗

黃瓚

劉珣

李東陽

倪岳

林瀚

馬廷用

費寀

汪佃

文莊邵公神道碑

楊一清

文懿章公墓誌銘

羅欽順

文恪揚公行狀

孫存

正治上卿沈公墓誌銘

文僖顧公墓誌銘

孫承恩

午塘閔公行狀

袁煒

文恪孫公墓誌銘

李本

玉清劉公傳

雷禮

文敏崔公傳

黃佐

琴軒陳公墓誌銘

王直

浙江圖書館

恭毅章公墓誌銘

謝鐸

馬公墓誌銘

王公墓誌銘

賈詠

類菴趙公墓誌銘

涇野呂公行狀

馬汝驥

文僖龍白陳公行狀

呂本

鳳陽單氏先塋碑銘

宋濂

滕思勉傳

兵部尚書齊公傳

鄭曉

兵部尚書薛公傳

鄭曉

浙江圖書館

忠襄金公墓碑

劉尚書傳

劉傷傳

張公墓誌銘

兵部尚書柴公墓誌銘

兵部尚書許公神道碑

兵部尚書陳公墓誌銘

忠肅鄭公神道碑

鄭野傳

兵部尚書于公神道碑

楊士奇

廖道南

楊士奇

王直

楊榮

曾祭

王直

廖道南

倪岳

浙江圖書館

兵部尚書儀公行狀

許彬

莊毅王公傳

袁袞

白恭敏公墓誌銘

恭敏白公傳

雷禮

襄毅項公神道碑

李東陽

卷之十

兵部尚書張公傳

戴銑

兵部尚書余公行狀

楊廷和

肅敏余公傳

李東陽

忠宣劉公神道碑

林俊

浙江圖書館

兵部尚書何公墓誌銘

汪俊

竹堂王公墓誌銘

竹巖胡公行狀

呂柟

兵部尚書胡公墓誌銘

楊廷和

康簡李公墓誌銘

楊一清

端敏胡公墓誌銘

吳鼎

胡端敏公傳

胡端敏公傳

康惠李公墓誌銘

翟鑿

卷之十一

浙江圖書館

工部尚書程公神道碑

徐溥

工部尚書劉公墓誌銘

李東陽

工部尚書馮公神道碑

徐溥

工部尚書蕭公神道碑

吳寬

工部尚書董公墓誌銘

李東陽

工部尚書侯公墓誌銘

白鉞

工部尚書李公墓誌銘

劉玉

工部尚書洪公墓誌銘

楊廷和

工部尚書黃公墓誌銘

王九思

工部尚書李公墓誌銘

王九思

浙江圖書館

工部尚書龔公墓誌銘

李充嗣

工部尚書叢公傳

焦希程

工部尚書崔公神道碑

崔銑

工部尚書吳公神道碑

湛若水

卷之十二

工部尚書張公行狀

賈宏

工部尚書陳公行狀

張懷

工部尚書石湖何公墓誌銘

張璧

工部尚書何公墓碑

皇甫沆

工部尚書楊公墓誌銘

歐陽德

浙江圖書館

工部尚書彭公行狀

鄒學孟

工部尚書王公墓誌銘

工部尚書徐公墓誌銘

工部尚書黃公傳

吳寬

工部左侍郎何公墓誌銘

羅欽順

工部右侍郎沈公墓誌銘

王鏊

工部侍郎張公行狀

劉麟

工部左侍郎龔公墓誌銘

李杰

工部右侍郎嚴公行狀

應大猷

工部右侍郎黃公墓誌銘

呂本

浙江圖書館

工部右侍郎全公家傳

工部右侍郎郭公墓誌銘

劉慤傳

卷之十三

布政使黃公墓誌銘

布政使周公墓誌銘

布政使秦公墓誌銘

節菴陶公墓碑

左布政使蔣公墓誌銘

右布政使夏公傳

浙江圖書館

李璣

林俊

林俊

倪岳

湛若水

楊廷和

顧清

左布政使龐公墓誌銘

左布政使李公墓誌銘

左布政使華公神道碑

右布政使吳公傳

右布政使方公墓誌銘

右布政使陳公墓誌銘

布政使杭公墓表

右布政使孟公墓誌銘

左布政使楊公墓誌銘

左布政使林公墓誌銘

浙江圖書館

邵寶

鄭曉

林俊

林俊

邵寶

林俊

左布政使劉公行狀

劉玉

張原明傳

睦榑

左布政使謝公神道碑

劉龍

卷之十四

右布政使張公墓誌銘

右布政使王公傳

左布政使彭先生墓誌銘

左布政使黃公傳

一菴陶公墓誌銘

左布政使蕭公墓表

浙江圖書館

胡直

質菴范公墓誌銘

右布政使陸公行狀

右布政使顧公墓誌銘

左布政使孫公行狀

王君濟川墓誌銘

右布政使戴公墓誌銘

刑公珣墓誌銘

霞山蔡公行實

卷之十五

左布政使王公墓誌銘

浙江圖書館

戴鯨

潘恩

胡栢泉

王煥

嚴嵩

蔡雲程

左布政使李公墓誌銘

左布政使張公墓誌銘

左布政使

左布政使陳公神道碑

布政使劉公墓碑銘

平思忠傳

張勉夫傳

李邦傑傳

吳孟仁傳

左參政林公墓誌銘

浙江圖書館

許宗魯

侯一元

邵寶

蘇伯衡

楊士奇

右參政陳君墓誌銘

楊士奇

左參政劉公墓誌銘

陳頎

右參政陸公墓誌銘

左參政樊公墓誌銘

李東陽

參政陸公傳

陳敏政

右參政祝公神道碑

吳寬

張參政行狀

黃雲

右參政式齋陸公墓誌銘

吳寬

左參政姜公墓誌銘

左參政張公墓誌銘

王九思

浙江圖書館

左參政黃公墓誌銘

黃衷

右參政崔公墓誌銘

石崖熊公墓誌銘

卷之十六

右參政顧君墓表

李東陽

左參政段公墓誌銘

李傑

左參政靜菴李公墓誌銘

張治道

右參政楊君墓誌銘

邵寶

右參政項公行狀

雪峯秦先生墓誌銘

浙江圖書館

趙君孟希墓誌銘

李東陽

黃君易菴墓誌銘

林俊

右參政郭君墓誌銘

毛澄

東川先生行狀

右參政吳公墓誌銘

文徵明

右參政李公墓誌銘

王雲鳳

右參政郭公墓碑

右參政張君墓碑銘

右參政華君暨配合墓誌銘

邵寶

右參政吳君神道碑銘

周用

浙江圖書館

左參政朱公墓誌銘

李夢陽

左參政陸公墓表

邵銳

卷之十七

參政胡公傳

胡直

右參政葉君墓表

劉龍

左參政王公墓誌銘

孟春

右參政陸公墓誌銘

周用

左參政趙公墓誌銘

金賁亨

劉涵江墓表

王慎中

左參政張公行狀

吳惺

浙江圖書館

右參政王公墓誌銘

左參政黃君墓誌銘

左參政吳君墓誌銘

右參政管公墓誌銘

布政使任公墓誌銘

左參政錢公墓誌銘

左參政項公墓誌銘

左參政敖公墓誌銘

參政樂公墓誌銘

右參政陳公墓誌銘

浙江圖書館

許宗魯

徐階

徐階

呂本

徐階

文徵明

張鏊

俞憲

陳炯

張時徹

卷之十八

左參議五泉韓公墓誌銘

王九思

右參議定峯閻君墓誌銘

王九思

右參議俊江揚公墓碑

書

右參議東陽盧公墓碑

文徵明

參議左山顧公墓誌銘

徐階

參議東濱戴公墓誌銘

孫承恩

赤山周公墓誌銘

浙

參議泉亭吳公墓誌銘

許相卿

參議華巖劉公墓誌銘

吳朝儀

左參議王公墓誌銘

張時徹

李參議墓誌銘

喬世寧

春谷潘君墓誌銘

徐階

參議王先生墓誌銘

左參議韋公墓誌銘

左參議盧君墓誌銘

左山先生傳

左參議趙公墓誌銘

卷之十九

王俊伯傳

浙江圖書館

文徵明

徐獻忠

王錫爵

楊孟載傳

南海周公傳

按察使羅君墓誌銘

按察使何公墓表

周孔明傳

按察使楊公墓誌銘

按察使劉公墓表

李朝用傳

按察使張公墓誌銘

按察使趙公墓誌銘

浙江圖書館

彭森

楊士奇

薛瑄

楊守陳

何喬新

王鏊

王鏊

恒齋先生朱公墓表

許宗魯

按察使吳公墓誌銘

邵寶

恥菴周公墓誌銘

林俊

周廷用傳

廖道南

按察使弟叔嗣行狀

高仲嗣

按察使張公墓誌銘

王世貞

卷之二十

按察司副使張公傳

方孝儒

衛季洪傳

脊菴彭先生傳

葉盛

浙江圖書館

慎菴彭公墓表

李賢

按察司副使辛公墓表

何喬新

按察司副使周公墓誌銘

按察使陶公墓誌銘

聶大年

按察司副使白君墓表

葉盛

陳君直夫墓誌銘

李東陽

按察司副使張公墓誌銘

程敏政

定菴曹公傳

錢福

蓮峯韓先生墓碑

按察司副使張公墓誌銘

張邦奇

浙江圖書館

按察司副使毛公傳

楊守陳

按察司副使朱公墓表

吳寬

按察司副使李公墓碑

李情傳

睦榑

劉公行狀

李東陽

按察司副使劉公墓誌銘

李東陽

東山黃公易齋阡表

按察司副使朱公墓誌銘

按察司副使補齋丁公傳

林俊

按察司副使王公墓誌銘

毛澄

浙江圖書館

按察司副使陳公墓誌銘

王鏊

按察司副使唐公墓誌銘

徐縉

按察司副使邢君配李氏合葬墓誌銘

羅玘

卷之二十一

按察司副使空同李公墓誌銘

崔銑

先大夫傳

羅洪先

大復何公墓誌銘

孟洋

何大復先生行狀

樊鵬

何先生傳

喬世寧

敬湖馬公墓誌銘

王九思

按察司副使文公墓誌銘

館

顧璘

李君師文墓誌銘

劉龍

按察司副使陳君墓誌銘

書

廣東提學副使蕭公墓誌銘

薛應旂

白閣山人王壽夫墓誌銘

王九思

副使呂公墓誌銘

汪偉

按察司副使富公墓誌銘

徐階

按察司副使海樓李公墓誌銘

徐階

卷之二十二

東里邵公暨配恭人合葬墓誌銘

呂本

提學副使盧君墓表

邵寶

按察司副使葛君墓誌銘

崔銑

按察司副使劉公行狀

書

按察司副使諸先生墓誌銘

按察司副使惠公墓誌銘

江曉

提學副使陳公墓誌銘

張時徹

洞陽顧公墓誌銘

皇甫沆

按察司副使閻公墓誌銘

許魯宗

楊西渠公墓誌銘

王慎中

浙江圖書館

嶺泉胡君墓誌銘

羅洪先

提學副使金公墓誌銘

洪朝選

提學副使陸公列傳

張時徹

卷之二十三

陳約之傳

道林蔣公行狀

柳東伯

遠齋顧公墓誌銘

呂本

龍江吳公墓誌銘

茅瓚

潢南胡公墓誌銘

水南田君墓誌銘

浙江圖書館

副使章公墓誌銘

陳九川

兵備副使沈公墓誌銘

康大和

提學副使王公墓誌銘

王紹元

副使張公墓誌銘

喬世寧

柳泉葛公墓誌銘

許穀

江忠愍公傳

太僕卿張公墓碑

呂光洵

次山劉公墓表

翔宇曹公墓誌銘

袁尊尼

方城宗君墓誌銘

王世貞

浙江圖書館

少谷温公墓誌銘

王世貞

雲泉吳公墓誌銘

卷之二十四

劉長吾墓表

楊士奇

陳祚公墓表

吳寬

劉公季道墓誌銘

胡廣

王府君佐墓誌銘

崔公仲玉墓誌銘

薛瑄

崔公行狀

薛瑄

按察司僉事陳君墓碣銘

楊士奇

浙江圖書館

廷嘉陳先生墓表

王 儼

劉廷美傳

南山黃公墓碣碑

楊守成

靜齋邵先生墓表

李東陽

允巽鄭先生墓碑銘

王 儼

姚君秀夫墓誌銘

邵 寶

山南葉公墓誌銘

王 度

立齋宋公墓表

林 俊

按察司僉事尹公墓誌銘

李東陽

按察司僉事蕭公墓碑銘

吳 寬

浙江圖書館

按察司僉事蕭公墓誌銘

李東陽

按察司僉事楊君墓表

王鏊

卷之二十五

戶部尚書楊公墓誌銘

靳貴

開甫熊君墓誌銘

羅玘

黃僉事墓誌銘

黃雲

五清劉先生墓誌銘

林俊

僉事王公墓誌銘

林俊

靖之申君墓誌銘

劉龍

留餘陳先生墓表

湛若水

浙江圖書館

城南張公墓誌銘

僉事李公墓誌銘

潘君宗節墓誌銘

江公景孚墓誌銘

紫峯陳公傳

汪公子宿墓誌銘

舜澤張先生墓誌銘

楊公汝承墓誌銘

胥臺素公墓誌銘

皇甫君墓誌銘

許魯宗

王九思

胡世寧

王慎中

諸大綬

崔銑

許應元

文徵明

文徵明

浙江圖書館

東華王公墓誌銘

東華王公墓表

石亭陳公墓誌銘

卷之二十六

李公積善墓誌銘

張君廷臣墓碑銘

斗山劉公墓表

企齋張公墓誌銘

鄭君信卿墓誌銘

渭川東公行狀

羅洪先

王世貞

顧璘

許宗魯

李東陽

韓邦奇

唐順之

劉龍

王維楨

浙江圖書館

青石趙公神道碑

李本

柳溪許公墓表

館

俞先生配潘安人合葬墓誌銘

潘恩

侯君進忠墓碣銘

吳寬

石川先生楊公墓誌銘

許魯宗

董朗洲墓誌銘

孫承恩

卷之二十七

呂府君文遂墓碑

宋濂

愚菴方公墓版文

宋濂

衡公世瞻墓表

浙江圖書館

坦齋葉公墓誌銘

魏觀傳

肇慶府知府王公墓表

寧國府知府陳公之碑

蘇州府知府姚公傳

知府姚公傳

劉公子輔傳

靖安况公傳

敬齋劉公墓誌銘

尚德李公墓銘

王直

廖道南

楊士奇

楊士奇

袁袞

鄭曉

楊士奇

王鏊

彭時

楊榮

浙江圖書館

河南知府李君墓表

雲峯先生饒君墓表

安肅趙公傳

懷慶知府李君墓誌銘

荊州知府張公墓表

桂林知府方公墓表

贛州知府顧公墓碑銘

安慶知府周公行狀

孝行沈公墓表

盛允高傳

浙江圖書館

楊士奇

何喬新

顧清

楊士奇

王與

林俊

吳寬

李賢

葉盛

卷之二十八

鶴溪先生潘公墓碑銘

南寧知府蔡君墓表

蔡公行狀

懷慶知府呂公墓誌

葵軒沈公墓表

東海張公墓誌銘

王公存敬墓誌銘

李君從質墓誌銘

陸君士弘墓誌銘

浙江圖書館

李東陽

吳寬

祝允明

馬中錫

李傑

謝鐸

王俊

李東陽

邵寶

余公宗鎮傳

邵君文敬墓誌銘

俞公廷臣墓誌銘

知府文君墓銘

劉公良玉墓誌銘

蘇君介福墓誌銘

馬公世用墓誌銘

知府張公墓誌銘

開封知府張公墓誌銘

杭州知府呂君墓表

浙江圖書館

石瑤

王與

王鏊

吳寬

毛澄

邵寶

王崇慶

顧清

劉龍

崔銑

陳某傳

約齋張公墓誌銘

徐臨江墓誌銘

瑞泉南公墓誌銘

漳川康君傳

卷之二十九

漢陽太守尚君傳

知府陳侯墓誌銘

曾漸溪墓誌銘

鄭海亭墓誌銘

浙江圖書館

方鵬

吳鼎

馬士驥

許宗魯

邵寶

王慎中

王慎中

約齋李公墓誌銘

何遷

靜山戴公墓誌銘

張時徹

王公子儀墓誌銘

皇甫沆

施公配沈安人行狀

徐獻忠

漢浦周君墓誌銘

王世貞

宋仲溫傳

思誠張公墓碣碑

楊士奇

黃公珍夫墓誌銘

王世貞

會和邵君墓表

王慎

韶州通判杜君墓表

浙江圖書館

桑悅傳

閻秀卿

張靈傳

閻秀卿

七兄行狀

何景明

一敬王公墓誌銘

尹鳳歧

卓峯黃公行狀

吳悌

石樓林君墓誌銘

羅洪先

卷之三十

吳德基傳

宋濂

呂克明傳

盧公武傳

浙江圖書館

啟翁王公傳

王竹亭先生傳

王公汝積墓表

薇菴任公墓誌銘

顧侯光遠墓誌銘

淮漢顏公墓碑

芝山楊公墓誌銘

盧公暨傳

北山龍公墓誌銘

都昌令俞先生墓誌銘

楊士奇

楊士奇

薛瑄

錢溥

梁潛

許宗魯

張時徹

羅洪先

王璵

浙江圖書館

廬陵顏公墓誌銘

晏璧

安福伍公傳

李時勉

東湖董公傳

凌瀚

東山范公傳

崔桐

王君汝弼墓表

劉龍

卷之三十一

愍節霍公祠堂碑

李夢陽

孫少卿墓表

貞憲徐先生墓銘

王世貞

克菴唐公墓誌銘

洪朝遠

浙江圖書館

錢鳴叔傳

時植傳

桐村繭室記蓋石文

周正道傳

錢伯行傳

北湖陶君墓誌銘

熊君伯穎墓銘

李天瑞傳

三川包君墓誌銘

立齋鄒公傳

浙江圖書館

睦榑

張時徹

邵寶

素衷

張子宜傳

杜長公暨包令人合葬墓誌

張子宜墓誌銘

張時徹  
俞貞木

卷之三十二

桂公彥良墓誌銘

王景

李公文彬墓誌銘

陳璉

劉公仲璟傳

陳中州

劉公傳

鄭曉

程公彥亨傳

程敏政

宋君之先合葬墓誌銘

楊士奇

浙江圖書館

金君用誠墓表

賴君添貴墓誌銘

楊公述墓誌銘

大學士張公廷光傳

右長史梁先生墓表

南川林先生墓表

懋齋李公傳

石湖吳公墓誌銘

周公行周傳

靜菴周公碑銘

浙江圖書館

楊榮

楊士奇

許彬

顧璘

湛若水

羅洪光

林樹聲

楊士奇

湛若水

何奉祠公傳

陳仲昭墓誌銘

陳昌積

方孝孺

浙江圖書館

浙江圖書館



浙江圖書館

皇明名臣琬琰錄卷之一

襄武湯公和神道碑

武順鄧公神道碑

穎國公礪山傅公傳

涼國公定遠藍公傳

胡顯泉傳

昭靖沐公神道碑

忠敬沐公神道碑

武僖沐公神道碑

浙江圖書館

瑯琊

王世



朱夢炎

素衷

國史實錄

黃全

王景

楊士奇

倪岳

珠璣錄

莊襄沐公神道碑

楊廷和

莊襄沐公墓誌銘

蔣冕

太子少保侯公墓誌銘

楊廷和

戶部尚書孫公傳

顧璘

東潯石公神道碑銘

謝遷

浙江圖書館

特進光祿大夫左柱國大都督府左都督議軍國事信  
國公贈東甌王謚襄武湯公和神道碑

臨海方孝孺撰

洪武三十一年九月壬寅皇帝御奉天門故東甌襄武王  
之孫昱頓首言曰先臣和沒已三年墓道之碑已具而未  
有刻文惟陛下憫之俾史臣有述焉制曰可臣昱至翰林  
以文為請臣謹以其事聞有詔俾為之銘臣乃言曰昔元  
德既衰天下大亂我太祖高皇帝以神武明聖之資哀生  
民之無辜奮袂一麾四方響應芟夷僭盜滌兇奸十餘  
年間遂濟大業雖曰天命所屬不以智力然猛將名臣之

勛著于王室有可徵者昔王之歸鳳陽新第也高皇帝有  
餞賜之勅其薨也有祭誄之文帝自謂與王同受知滁陽  
稱其智勇過人命勒石以紀勞績聖情深厚矣今陛下不  
遺舊而賜銘其碑以寵綏湯氏實行高皇帝之遺志臣執  
筆從太史後何敢卒讓謹按故開國輔運推誠宣力武臣  
特進光祿大夫左都督左柱國議軍國事信國公追謚襄  
武封東甌王姓湯氏諱和字鼎臣世居鳳陽縣之東湖里  
曾祖五一府君祖六一府君皆以王貴追封信國公考七  
一府君贈特進光祿大夫左都督左柱國追封信國公曾  
祖姚某氏祖妣周氏妣謝氏俱封信國夫人王幼喪二親

卓越有奇志嬉戲常習騎射指使群兒父老異之及身長  
七尺個儻饒智略元至正間豪傑多起兵據郡縣王亦思  
自奮拔以取富貴壬辰歲聞滁陽王據濠兵勢強率所厚  
壯士十餘人仗劍從之滁陽王奇王驍勇置之麾下使從  
諸將略地每在前行命為百戶取九灣攻濠之定遠得兵  
于五百人擢為千戶時高皇帝處滁陽王甥館王委心推  
奉率兵從大洪山寨得兵八百并長萬夫復從攻滁州其  
守帥以功多授管軍總管招集士卒益衆又明年甲午帝  
自取和州諸將多滁陽王薦部曲領望未盡効臣禮惟王  
以所領兵聽命甚謹帝心嘉焉會義兵元帥陳也先復攻

和州王與將士擊走之乙未六月帝渡江下采石定太平  
王獲敵馬三百士卒稱是旣而也先與其將康將軍水陸  
分道寇城王擊其水軍矢中左臂怒氣益奮中山王徐公  
達寧河王鄧公愈帥師由東門轉戰城北破其步軍遂生  
擒也先以獻王分兵取溧水句容克而守之丙申帝定建  
業三月王偕中山王取鎮江一日克其城兵不血刃升統  
兵元帥復同中山王取金壇及富莊七月轉同僉樞密院  
事丁酉三月克常州奉命鎮守其地攻取江陰明年偽吳  
張士誠兵寇常州王力戰却之擒其卒三百十月復未寇  
俘甲士千餘舟數十艘馬數十疋賊勢為之少沮壬寅偕

中山王攻無錫癸卯大破士誠兵于楊山斬其裒將獲甲首五百級逐其別將莫將軍虜其妻子以還拜中書左丞甲辰士誠弟偽丞相士誠寇圍長興王率步將吳福興會開平王常公遇春軍合戰士誠大敗而退超遷中書平章乙巳擊江西劇盜姚大膽斬之遂取永新州戮偽左丞周安等籍士馬歸于京師仍出守常州丙午帝命諸將伐士誠略太湖營于舊館降偽將呂左丞等虜其兵二千馬八十疋轉戰湖州守將張右丞降進擊吳江州將不能格亦降遂薄姑蘇闡之明年丁未為吳元年九月中山開平與王益督兵力戰卒平姑蘇縛士誠以歸三吳悉定除御史

大夫兼太子諭德階榮祿大夫時方谷珍據温台慶元三  
郡與士誠比境聞士誠敗固已震恐王督諸軍征之谷珍  
惧乘大舶逃匿海島中王遣人持書諭以國家威德谷珍  
即率昆弟子姪待罪軍門得兵械舟楫以萬計所至不擾  
王之功居多乘勝下福州戊申帝即大位改元洪武略定  
閩中諸郡至延平原陳友定恃險橫甚令其副出城降觀  
望持兩端王虜之以歸東南海上晏然是歲九月帝幸汴  
梁王實扈從既而與宋國公馮勝取懷慶澤潞晉絳二年  
同中山王拔河中渡河入潼關趨鳳翔越六盤關隴皆平  
明年與中山王宋國公至定西襲元將擴闊帖木兒營西

北取寧夏至察罕腦兒獲其猛將虎陳定東勝大同宣府  
皆以勞先諸將九月還京師論功行賞錫以鐵券封中山  
侯號開國轉運宣力武臣階榮祿大夫勲柱國祿一千五  
百石明玉珍乘中國亂僭號四川以重慶為都王珍死其  
子昇立四年詔王及德慶侯廖永忠統諸將征之昇鎖瞿  
塘峽以遏舟師王以計敗之水陸並進直擣偽都昇不能  
支率其臣屬奉金寶以降五年回中山王宗北征窮追和  
林明年斃通州外郭八年移鎮彰德斃其城是冬追元逋  
臣伯顏帖木兒于察罕腦兒獲馬牛羊無算十年正月元  
且帝念王之功加號推誠位特進階為光祿大夫職為左

都督勲為左柱國爵為國公于信俾議軍國事加祿至三  
 千石仍賜鐵券王益恭畏不自驕盈繼與岐陽王李公文  
 忠練卒于鳳陽鳳陽濠之賜名也明年巡撫西河州繕完  
 其城郭營舍十四年借中山王北伐下灰山擒其平章別  
 里哥及樞密副使久通又明年詔至四川永寧治墉濠飭  
 士馬十八年五開山徠為亂王帥師討之夷其窟穴俘戮  
 四萬人及入朝王以春秋高思歸故鄉從容乞骸骨群公  
 次第以為言帝喜之賜寶鈔五萬俾造第宅於鳳陽而謂  
 王曰日本小夷屢擾東海上鄉雖老強為朕行視要討地  
 築城增戍以固之王備王築海上數十城民四丁取其一為

真以守之二十一年新第以城告率妻子陞辭賜黃金以  
計者二百鈔以緡計者一萬五千文綺四十端信即夫  
人胡氏亦賜金錢文綺甚厚俱降手敕褒嘉之二十三年  
元旦朝于京師忽被末疾且失音不能言帝聞之大驚即  
命駕臨禧嘆惋久之遣歸故里十月詔王之子將命召至  
邸賜以安車入殿廷燕勞備至復厚賚俾歸以俟有瘳三  
十七年王疾彌甚不能興帝思見之時詔輿入親手為摩  
撫語及舊勞封之雪涕賜欵六百五十緡預為營塋之資  
二十八年八月七日薨於里第之正寢至是年七十矣訃  
聞帝感悼為之不御朝者三日追封定謚親為文授使者

以祭命親王咸遣祭于其家棺槨明器塚壙皆官為之以  
是年十一月十二日葬于縣曹山之原詔肖像于功臣祠  
配響於太廟祥禫必賜祭高皇帝禮遇功臣加恩于王恩  
禮之隆時莫與比夫人有婦德明詔稱其賢子五人曰鼎  
署前軍都督府僉事曰軌太原中護衛鎮撫曰鼎曰燮皆  
早卒曰醴同知左軍都督府階榮祿大夫將兵征五開卒  
于軍女五人長適德候廖權次為魯王妃次適萬泉衛指  
揮俞鼎次適景東衛指揮賴鎮之子溶次適楚雄衛指揮  
袁義之子興孫男十一人曰昱暹昇晟勗景昺旻暉暉晟  
其嫡也孫女四人曾孫男一人女二人皆幼王沉毅質直

勇而善斷不妄發言入聞國論一語不泄于左右行師受  
任有詔即行不少顧家臨敵果敢堅忍未嘗挫衄有語及  
兵書者輒嘆曰臨陣決機在智識敏達耳何以泥古為家  
蓄妾媵百餘暮年皆資遣寧家得賞賜多惠鄉里父老及  
孤貧無告者貴任公宰及歸田里見故交遺民意雍如也  
厥後群公多先物故而王獨享壽考以令名終斯固保身  
之有道而始終不倦可謂盛也已今陛下追惟創業之艱  
顯揚刻銘使播不朽豈獨蓋復湯氏之子孫一以昭揚先  
帝之功德而垂萬世也是用備著其事而獻銘曰於昭上  
帝視下孔仁降聖儲才相慈垂民民之顛隳俾聖康之復

俾賢臣佐而裒之有元既衰天厭其亂督生高皇極拔大  
難龍奮于潛八極晦冥英傑如雲翼之以升惟東甌王既  
智且武灼知天命早識真主衆方夢未決所從獨斷不疑  
委身效忠臣或擇君杖策千里生于帝鄉其社孰似寶劍  
彫戈折衝四方如虎貔如驅彼犬羊披淮濟江以作京邑  
京邑旣成皇業乃集東過偽吳坐鎮毗陵不傾仗義為城  
帝德日宣遠懷邇服王率之行勢若破竹旣平姑蘇元惡  
就誅威鎮東南暨于海隅乃清關隴乃平幽冀萬邦未同  
獻其琛具帝曰念哉勛我元勳爰啟上疆流慶後昆中山  
建侯遂公大國招冠金券綉裳赤舄海宇晏寧變夷為華

民休田閔穀粟絲麻王亦白髮燕嬉甲第伊誰致之天子  
之賜天子有詔恭樂太平文錦簾金侑以百朋內暨夫人  
亦受寵錫璽書爛然觀者動色天實生才股肱聖皇豐其  
華祿俾之壽康壽考令終孰與之同天子之門式勸有功  
沒登王封從饗宗廟始卒無瑕其忠有耀昭哉大明如日  
麗天載焯鴻勛以訓萬年

浙江圖書館

浙江



浙江圖書館

特進榮祿大夫右柱國征西將軍衛國公贈寧河王謚  
武順鄧公神道碑

朱夢炎撰

洪武十年冬十有一月初九日開國輔運推誠宣力武臣  
特進榮祿大夫右柱國衛國公鄧愈自河州召還至壽春  
以疾薨訃聞上哭之哀為輟朝三日詔追封寧河王謚武  
順其月十九日柩車至三山門重駕臨奠且親視其墓地  
而舊塋在鳳臺鄉者狹隘弗稱上乃遍覽傍近因臯擇於  
城南西山之原寬平爽塏敕有司營建墓兆仍命遷王母  
夫人及弟暉之喪同葬焉凡喪事所須皆官給之恩至渥  
也上猶念其功不已召臣夢炎等於廷諭之曰愈事朕二

十二年東征西討勤勞至甚歷鎮八州有功無過爾其僕  
文刻之石以昭不朽臣謹按公牘所載賜名愈泗州虹縣  
人三世弗仕以王貴魯祖父大公贈資善大夫中書右丞  
追封臨淮伯魯祖母孟氏追封臨淮伯夫人祖父大公贈  
榮祿大夫中書平章政事柱國追封南陽侯祖母戚氏追  
封南陽侯夫人父諱順興贈特進榮祿大夫大都督府右  
都督右柱國追封衛國公母張氏追封衛國公夫人王生  
而魁偉幼有大志勇力過人元季壬辰天下雲擾王父律  
為公起兵于鄉遂戍臨濠與元兵戰死之王兄友隆代領  
其衆未幾友隆病卒衆推王領軍事年方十六三出戰必

挺身破敵軍中咸服其勇歲乙未上駐師滁陽王自盱眙  
率所部來附充管軍總管其年夏六月從渡大江克采石  
取太平繼而元將蛮子海牙以舟師扼采石陳也先合兵  
數萬逼城下上親督兵禦之調王與魏國公以奇兵出其  
後大破之生擒陳也先丙申三月定金陵按溧水破鎮江  
王皆與有功升元帥出守廣德冬十有一月長鎗謝元帥  
率衆來寇王出城奮擊俘其總管武世榮及軍士一千餘  
人丁酉三月轉行樞密院判移戎宣州七月領兵取休寧  
績溪棄勝克徽州元將敗走十月浙江苗揚元帥率衆十  
餘萬來攻城時徽州新附城郭未完守禦之器未備王激

屬將士明立賞罰與越國公胡大海等分門並出奮兵力  
戰大敗其衆生擒部將胡卒等一百五十八人賊衆奔潰  
婺源元注同僉領兵未降戊戌正月擊破鐵木兒不花元  
帥寨斬首五百餘級追至婺源東門擒殺鐵木兒不花獲士  
卒三千餘人遂克婺源三月取嚴州四月攻淳安縣賊帥  
金子珍敗走獲馬一百餘疋降其頭目軍士三十餘人遷  
同僉樞密院事五月浙江薦楊復率衆屯徽州烏龍嶺拒  
却之九月轉僉書行樞密院事己亥正月領兵略浙江臨  
安大敗張寇於閑林寨庚子七月鄱陽院判于光右丞余  
椿擊走偽漢部將辛問知取饒州遂以其城來附有旨命

王徃鎮之饒城彭蠡湖而偽漢王陳友諒尚據江州數遣  
舟師來攻城王歛東門外與余椿于光等連營以拒之屢  
戩其衆賊兵遂退辛丑正月除江南行省叅政仍兼僉書  
行樞密院事總制各翼軍馬饒之境內弄兵者尚懷疑阻  
王推誠結納撫以恩信於是左丞吳宏等皆請降八月領  
兵襲浮梁偽叅政侯邦佐棄城遁八月取樂平擊敗蕭總  
管五千餘衆擒萬戶彭壽等六十八人饒境悉定進取江  
西十月駐兵於臨川之平城時鄧克明據撫州遣使通疑  
而實無敵城之志王知其情卷甲夜趨比旦入城克明單  
騎逾翌日遣人以分省印來獻王號命嚴肅秋毫無犯江

右之民室家相慶爭持平酒迎勞王悉却而不受是時上  
親討偽漢主陳友諒於江州友諒敗走遂下江西命王以  
步兵來會車駕至南昌有旨授王江西行省叅知政事留  
鎮之時壬寅正月四日也癸卯夏四月陳友諒悉國內之  
兵圍江西江水暴漲寇舟直抵城下王與諸將協謀固守  
屢挫其鋒賊勢大沮相持者凡三月會上親率授兵至湖  
口友諒懼而退大戰康郎山友諒竟死甲辰三月新塗土  
豪鄧青叛以卒二萬人據永豐王調兵破擒首賊胡理問  
劉右丞五十二人八月從開平王平臨江三沙坑麻嶺  
十洞諸山寨合兵圍贛州降之南安南雄韶州皆送欵乙

已正月淮江西右丞加湖廣行省平章出鎮襄陽西抵巴  
蜀北控河洛烽火相望新附之民未有定志王撫而鎮之  
民懷其惠軍忘其勞遐邇悅服吳元年十月擢拜御史大  
夫洪武元年命大將軍經略中原而以王為征戍將軍征  
取江淮未敢州郡三月攻唐州克之又取南陽生擒蔡國  
公史克新等二十七員軍士一千五百人馬一百五十疋  
七月克隨州右丞王誠降九月進取洪山老馬劉寨夜四  
鼓斬關而入擒殺甚衆冬十有一月率兵討蜀河莽張獲  
之金商均房之境悉定三年王為征虜左副將軍平隴右  
大敗王保保于定西招諭河洲土蕃諸酋元帥何鎖南普

花兒只汪來等皆納印請降於是河州以西朶其烏思藏  
等部來歸者甚衆冬十有二月定功行賞特封衛國公食  
祿三千石賜以鐵券五年命王為征南將軍討澧州等處  
溪洞蠻夷平之九年吐蕃所部州城邀沮烏思藏使者掠  
其輜重有旨命王為征西將軍往討之十月王與副將分  
所將兵為三併力齊入覆其巢穴窮追至崑崙山斬首不  
可勝計獲馬牛羊一十餘萬上嘉其功遣使召還木至薨  
王以元後至元丁丑二月十五日生享年四十有一兄弟  
二人長即友隆弟暉仕至羽林衛指揮僉事先王五年卒  
夫人曹氏側室王氏徐氏子男五人長鎮羽林衛鎮撫次

銘次鐸次銓次太平奴皆庶出女四人長女夫人曹氏出也為秦宮次適河南護衛指揮周巖餘尚幼孫女一人王之葬也以是年十有二月二日丙午惟王器量宏偉而沉毅簡重謙恭慎密而奉公守法臨大敵而不懼有大功而不矜又能禮賢士寬惠愛人廣德宣州徽嚴撫南昌襄陽八州之民至今猶懷其德事母夫人能致其孝撫弟幼孤能致其愛蓋不獨將略之雄兼有君子之行宜乎為國元勳光輔帝業而膺上眷之隆者也謹再拜稽首而為之銘曰聖皇受命地闢天開掃清六合鼓舞群材惟武順王雲龍風虎杖策來從誓以身許飛渡大江奮戈前驅奔堅

摧鋒何敵不除一舉始熟再舉建業馳電掣百戰百捷  
王節飛雲金戈凜霜有赫其威徃征群方乃輯浙東乃撫  
江右大閩煌<sup>煌</sup>屬我城守孰謂狂豎而敢馮陵自遠厥辜  
江漢底平帝用有嘉平章湖廣駐節荆南爰資開蕩化仇  
而恩循暴而柔以德輔刑澤及八州武功告成四海一統  
爵以上公受天之寵烈烈征西極討窮追殲彼大戎張我  
皇威召還有期中道而逝九重痛悼三軍隕涕念王之忠  
開拓建功念王之德無<sup>忝</sup>始終何以報之王封是錫褒衣  
綉裳光賁泉宅西山之原墓門有石視此刻銘永錫無極

特進榮祿大夫右柱國太子太師潁國公碭山傅公傳

姑蘇袁袞撰

傅友德者宿州人也徙居潁川碭山中元末從李喜之起  
兵山東轉攻剽入蜀喜之敗歸明王珍玉珍不能用乃率  
所部走武昌從陳友諒辛丑上攻江州至小孤友德率衆  
降上才之使將兵從常遇春攻廬州友諒圍洪都從上親  
征大戰彭蠡湖友德以樓船犯其前鋒身被數創戰益  
力殺數百人復與諸將邀彭禁江口友諒死復從上親征  
武昌督兵攻城城東南有山名高冠下瞰城中上問諸將  
誰能奪此山友德即率萬人先登一鼓奪之矢中面及脇

下鏃出腦後不顧武昌平以功擢雄武衛指揮使與徐  
達攻拔廬州取夷陵衡州襄陽攻安陸身被九創擒其守  
將任亮取淮東泰州進攻淮安破張軍于馬螺港獲戰  
船千餘大破竹貞兵于安豐所過焚元軍積聚吳元年  
守徐州王保保遣驍將李二来寇伺其出掠乃將步騎二  
千沂呂梁捨舟登陸擊之賊將韓一迎戰友德躍馬奮槊  
刺一墜馬賊敗走友德度李二必益兵未闕趨還城開門  
出兵陣于城下令士卒皆卧鎗以待聞鼓聲即起擊有頃  
李二至友德鳴鼓士皆奮起疾鬪賊大敗生擒李二敵俘  
京師上勞賞之命以鼓吹送還第拜江淮行省叅政大將

軍徐達等北征中原上諭之曰征伐所以奉天命平禍亂  
安生民故命將出師必在得人叅政傅友德勇畧冠諸軍  
可領一軍使獨當一面復諭友德曰此行當努力昔漢高  
祖與項羽爭衡彭越宣力於東山今用師自山東始汝其  
勉之進攻沂州斬王宣下青州敗元將也速取萊陽洪武  
元年取東昌棗州樂安攻克汴梁河南洛陽及諸山寨閬  
陝平上命取元都友德引兵渡河取衛輝彰德遂下廣平  
克臨清德州滄州通州進克元都復將兵偵邏古北諸  
隘口追元殘兵獲馬一千六百疋牛羊八千餘頭車二百  
五十輛畧大同而還徇下保定中山真定畧平定州遂克太

原初擴廓帖木兒自太原出鴈門將由居庸以攻北平友德同大將軍等乘虛徑擣太原擴廓至保安州間之還師來援其鋒甚銳兵交萬騎突至友德帥敢死士五十騎擊却之因夜伏兵襲其營擴廓方明燭坐帳中間變擾亂亟納靴跣一足踰帳後出乘馬遁去友德追至土門閘不及而還獲甲士四萬馬稱是敗元將賀宗哲於石州擊走四大王及竹貞兵敗脫列伯于宣府同大將軍取陝西下鳳州鞏昌臨洮攻克度陽陝西悉平大賞諸將賜友德白金文綺三年復命友德同大將軍等出潼關以擣定西敗王保保兵保保北遁乘勝取蜀友德為前鋒出秦州奪略陽關

擒偽夏平章蔡琳遂入沔州分兵由鳳翔入連雲棧合攻漢中克之尋以饋運不繼還軍西安夏將吳友仁寇漢中守將金興旺遣人求救友德率精銳三千攻斗山寨下令人持火炬燃于山上友仁軍望見列炬起大驚夜遁去大封功臣封穎川侯是年冬命將分道伐蜀湯和廖永忠等由瞿塘趨重慶拜友德為征虜前將軍由秦隴趨成都上密諭友德曰蜀人聞吾西伐必悉其精銳東守瞿塘北阻金牛以拒我師若出其意外直搗階文門戶既隳腹心自潰兵貴神速但患不勇耳友德受命馳至陝集諸道兵揚言出金牛潛使人覘階文守備單弱引兵出陳倉攀緣山谷晝

夜兼行直抵階州守將丁世珍率衆拒戰擊走之克階州  
遂趨文州蜀人斷白龍江橋以阻我師友德督兵脩橋以  
渡破五里關拔文州渡青州果陽白水江蜀人望風驚遁  
遣人諭降之引兵趨綿州阻漢江不得渡下令軍中造戰  
艦百餘艘以濟師欲以軍中消息達湯和而山川懸隔適  
江水暴漲乃以木牌數十書克階文綿州日月拔漢江順  
流而下蜀守者見之咸解體尋拔漢州初夏人間王師伐  
蜀命丞相戴壽太尉吳友仁等悉衆守瞿塘及聞友德破  
階文乃分兵還援漢州以保成都未至而友德已逼漢  
州向大亨悉兵出戰城下擊敗之壽等至友德下令曰彼

勞困遠來聞大亨敗衆必洶洶可一戰而擒也乃親督兵  
迎擊壽壽大敗遂拔其城是時湯和駐兵大溪口未進上  
引交德冒險克敵功以責之而和亦得木牌於江流遂進  
師趨夔州交德進圍成都戴壽向大亨等出城拒戰以象  
戴甲士列于陣前交德命以弓矢火器攻之象中矢却走  
壽兵躡藉死者甚衆交德亦中流矢會湯和遣人報重慶  
之捷壽等遂無鬪志乃籍府庫倉廩以降得士馬三萬分  
兵徇下州縣之未附者克保寧執吳友仁械送京師蜀地  
悉平師還論功詔曰穎川侯傅友德冒越險阻首克階文  
破綿漢成都保寧諸郡功最大賞白金二百五十兩文

綺二十表裏御製平蜀文以旌之五年副征西將軍馮勝  
北征沙漠敗失刺罕于西涼至永昌敗朶兒只巴獲馬羊  
十餘萬攻甘肅射死平章不花降太尉瑣納倪等獲馬  
萬疋六年大軍復出鴈門西北巡長城外友德為前鋒  
虜遠遁追獲平章鄧孛羅帖木兒軍還留鎮北平上  
䟽陳五事一轉輸宜令河間軍自長蘆運至通州北平軍自通州  
運入城永平民陸運至北平道頗遠宜通清河涑水故道二流  
流民越境為邊患宜招輯寬其賦役優免三年則民皆安居  
矣三古北口等處兵民一夫守關二夫供輸有名無實宜放還民  
夫使力田令官軍千人代守責專則邊戍寧矣四關外新附

之民甚貧宜給以衣糧厚恤之則戶口日增五北平府縣連年供億  
大軍宜少紓其力上嘉納之召還從皇太子諸王講武荆山下九  
年屯兵延安以備伯顏帖木兒設仗大破之俘獲無算其麾下縛伯  
顏帖木兒以降上將平雲南命交德巡行川蜀永寧雅播等  
處修城郭治閼梁於是金築普定諸山寨酋長相率來降  
還京敵馬五百上選內厩良馬十五賜之十四年同大將軍出塞討  
元平章乃兒不花等渡北黃河虜騎駭遁交德選輕騎夜  
襲灰山克之九月拜征南將軍藍玉沐英副之統兵三十  
萬征雲南上諭之曰雲南僻在遐荒行師之際當知其山  
川形勢以規進取朕嘗覽輿圖咨詢于衆得其阨塞取之

之計當自永寧先遣驍將別率一軍以向烏撒大軍自辰  
沅以入普定分據要害乃進兵曲靖雲南之殘襟彼必併  
力於此以拒我師審察形勢出奇取勝正在於此既下曲靖三將軍  
以一人提勁兵趨烏撒應永寧之師大軍直搗雲南彼此牽  
制疲於奔命破之必矣雲南既克宜分兵徑趨大理先聲  
已振勢將瓦解其餘部落可遣人招諭不煩兵也師行上  
出餞於龍江友德至湖廣分遣都督胡海洋等率兵五萬由永  
寧趨烏撒大軍由辰沅趨貴州攻普定普安下之進取曲靖梁王  
把匝刺瓦爾密遣平章達里麻將精兵十餘萬以拒我師友  
德用沐英計信道疾趨未至曲靖數里忽大霧至白石江頃之

霧霽虜見之大驚我師陽欲渡江而潛遣數千人從下流以  
渡出其後遍樹旗幟金鼓忽震達里麻急撤軍以禦而我師  
畢濟矣既陣友德麾兵大戰矢石齊發呼聲動天地縱鉄騎擣  
之虜大敗生擒達里麻俘其衆萬計悉縱之使歸本業遂平  
曲靖友德自將兵擊烏撒城之未下者遣副將軍下雲南梁王走死通  
畢節克可渡河於是東川烏蒙芒部諸蛮皆震懼降附進  
克大理擒土酋段世分兵畧下鶴慶麗江金藍車里平緬皆降  
烏撒蛮復叛討破之斬首三萬餘級獲馬牛羊數萬復遣  
兵搜捕蛮黨之未服者殺之鬻翠欵附蛮地悉平上數遣  
使者勅諭勞友德十六年上命長興侯耿炳文往諭友德

等班師且曰遲速之期宜自審度友德乃因其土俗定賦稅廣  
此田興學校創設諸司大小相維犬牙相制邊境以寧十七年凱  
還上深慰勞之進封穎國公十九年再征雲南二十二年復統番漢  
軍討曲靖普安等處蠻平之二十三年征沙漠至迤都山擒乃兒  
不花復征西路寧夏二十四年北征追故元遼王方進兵遽下令班  
師虜信之少懈趣師深入掩襲虜衆而還袁袞曰明興猛將  
雲從數倍雲臺凌煙而六王最著其以駭勇稱者莫如常開  
平次則傳穎因耳觀其下蜀掃滇踰隘涉荒遠席卷騁  
馳譬言之良駁超軼絕塵而造父為御奮迅驕驟一日千  
里其用兵方畧悉稟廟算是豈泛駕者哉

特進榮祿大夫右柱國太子太傅涼國公定遠藍公傳

國史實錄

王鳳陽定遠人其女兄歸開平王常遇春因隸遇春帳下  
長身頽面言動異等輩臨陣突圍所向有功遇春甚獎愛  
上亦以遇春故特寵擢之歲壬寅授克魯軍鎮撫甲辰授  
武德衛千戶乙巳轉親軍千戶吳元年授武德衛指揮僉  
事尋升指揮使洪武元年冬升大都督府都督僉事十一  
年同西平侯沐英率兵征西番擒其酋長嚶噶子三副使  
獲馬二萬餘疋牛羊十餘萬頭十二年秋班師封永昌侯  
十四年為征南右副將軍同永川侯傅友德西平侯沐英

率師取雲南擒故元平章達里麻於曲靖而王巴匝刺瓦  
爾密邇走死須他次取大理鶴慶麗江建昌金蓋車里平  
緬地方萬里皆入職方王功名居多十八年冊王女為蜀  
王妃二十年正月為征虜右副將軍同宋國公馮勝北征  
五月過故元丞相納哈出於金山納哈出遣使約降一月  
期會軍門置酒飲與王同席因約酒歡酌王改衣以衣納  
哈出不肯服王亦不飲酒爭讓久之納哈出覆酒故其下  
不語鄭國公常茂察其中變因致酒聽其臂擁至勝營  
其衆驚潰王率輕騎追至亦迷河降其衆數萬而還八月  
詔宋國公馮勝行總兵分駐錦川冬十月移屯薊州休養

拜征虜大將軍二十一年四月進兵踰嶺而北至捕魚兒  
海直擣虜營虜驚兵獲其次子他保奴及妃諸王太尉平  
章等四千四百餘并寶金璽銀印車輛軍士家屬六萬九  
千餘口書其馬驢駝雜畜捷至上命通政使茹瑺等賫勅  
書徃勞改封涼國公仍鑄過是于券當擬封王梁國公適  
有發其私元主妃者上聞之怒事遂中止至是念其勞改  
封涼國公仍鑄過是于券是月朔叛酋阿資等率衆寇普  
安燒府大肆剽掠征南將軍穎國公傅友德等率兵擊之  
斬其營長者滿已青初王以開平王常遇春妻弟屢從征  
伐有功胡陳之反王嘗與其謀上以開平之功及親親之

故宥而不問後諸老將多歿乃擢為大將總兵征伐所至  
克捷甚稱上意然王素不學性復狠愎見上待之厚又自  
恃攻伐專恣暴橫畜壯奴假子數千人出入乘勢漁獵常  
占東昌民田民訟之御史按問王捶逐御史及征北還私  
其駝馬珍寶無算夜度喜峰關閹吏以夜不即內王大怒  
縱兵毀閹而入上聞之不樂會有發其私元主妃者上切  
責之王復不省嘗見上命坐或侍宴飲王動止傲悖無人  
臣禮及總兵在外擅升降將校黥刺軍士甚至違詔出師  
恣作威福以脇制其下至征西還意凱升爵命為太傅王  
怒攘袂大言曰吾此回當為太師乃以我為太傅及時秦

恭事上惡其無禮不從王退語所親曰上疑我矣乃謀反  
當是時鶴慶侯張翼普安侯陳桓景川侯曹震舳艫侯朱  
壽東莞伯何榮都督黃恪吏部尚書詹徽侍郎傅友文及  
諸武臣嘗為王部將者王乃密遣親信召之晨夜會私宅  
第謀收集士卒及識家奴伏甲為變約束已定為錦衣衛  
指揮使蔣瓚所告命群臣訊狀具實伏誅

浙江

五  
五



浙 江 圖 書 館

胡顯泉傳

黃金

胡顯泉之子幼隨父在軍中既長驍勇善戰丙午丁未年  
泉征浙西攻蘇州顯預有勞績復隨守備萊州定遼等地  
洪武三年封楚王十四年四月王之國上命顯襲父職

都指揮同知武昌護衛管事十八年八月隨王領軍征進  
古州銅鼓等處蠻峒十九年三月隨師回衛收集軍人一  
千五百餘名以功陞前軍都督府都督僉事帶俸不與政  
仍侍楚王二十年十月欽調統官軍封陸肇等處平之二  
十一年八月奉普定侯調領官軍隨靖寧侯征東川龍海  
諸蠻部招集軍士獲馬匹數多克州城凡十有九珍寶貨

具悉獻朝廷二十二年七月還師陞授特進光祿大夫柱  
國封梁國公前軍都督府帶俸請給誥券出入朝禁者十  
年三十三年二月有 旨梁國公誥券拘入華節安置臨  
襄永樂元年五月楚王遣內官陸福奏母兄胡泉子顯間  
廢臨襄原無公私罪過奉 旨召回除 皇陵衛指揮僉  
事三年改鳳陽衛九月德州有功陞指揮同知楚王復奏  
親戚指揮胡顯見任鳳陽其母在武昌老疾乞令侍養遂  
得 俞旨永樂十三年四月十日顯卒年七十子善孫宣  
襲武昌護衛指揮同知曾孫深由武昌護衛同知降調貴  
州都勻衛指揮僉事玄孫雄

榮祿大夫柱國征西將軍西平侯贈黔寧王謚昭靖沐  
公神道碑  
松陽王景撰

皇明以神武定四方混一區宇懋德禋社東漸西被罔有  
內外時則有若貔虎之士翊運之臣汎掃爬梳用能咸和  
天休以集天命草昧之初各奏爾功歸于有德也至於內  
託肺腑而建丕績者則成于天地涵育之功也是以一舉  
而開閩閩大業闢矣再奮而運斗樞大政立矣三屬而西  
略自西徂南大統一矣翊亮之功昭茲甚明此皇上所以  
始絡垂眷大有造于黔寧也王諱英字某姓沐氏鳳陽定  
遠人元季天下難作王在童稚喪所怙鞠于母氏母氏復

物故時皇上寵飛鳳陽往拜于門上竒而育之賜國姓既  
長機敏過人數從征伐終日侍側無戲色亦無情容弘量  
孝恭出于天性上益竒之滋歆試以事壬寅授帳前都尉  
出鎮江焯有聲績甲辰除廣武衛親軍指揮使軍府肅然  
尋加昭勇大將軍廣武衛指揮使軍府益律戊申春正  
月上即皇帝位改元洪武既定鼎命王從征福建擒元平  
章陳友諒三月復王姓鎮建寧三郤三年升鎮國將軍食  
大都督府事四年升榮祿大夫同知大都督府時天下兵  
樞交壅治出聲生稱上意旨中宮左屬望焉九年乘傳繇  
陝右抵熙河布德澤康遠人事有不便更張以聞明年副

寧河王總大兵征蕃部西渡黃河略川藏耀兵崑崙轉戰  
千里俘虜萬計班師論功封西平侯開國輔運推誠宣力武臣階仍  
舊榮祿大夫勲柱國食祿二千五百石賜鉄券又明年八月拜征  
西將軍兵征西蕃降元萬戶乞失加三副使舒朶兒只都烏  
都兒人卒二萬雜蓄二十餘萬是行平朶朶納隣七站地數千里  
十三年以陝西兵征和林元國公脫火赤等略以集乃渡黃河回  
賀蘭涉流沙偵騎報去穹廬五十里王分為四翼自以驍勇衝  
其中堅御夜薄其營生擒脫火赤知院愛足全部皆降明  
年領軍從大將軍出古北口龍襄公主山長寨平四郡過驢駒  
河虜知院李宣還京副征南將軍統兵征雲南繇辰沅出羅

鬼攻普安又下之轉戰而前元梁王把匝刺瓦爾密以司徒平  
章達理麻軍曲靖會大霧咫尺不辨壓白石江西軍相望征  
南欲濟王曰我軍遠來利在速戰然衆未集不若以計破  
之乃陳兵陽若渡者遣竒兵從上流濟草山出其陣後為疑  
兵元軍見之陣動王麾軍泅水渡元軍亦卻陳我師既  
成列鎧伏鮮明彼皆奪氣遂大戰自旦至晡蹀血震蕩王  
從鉄騎撞之出而復入生擒達理麻于淖元兵遂大潰僵  
尸相屬乘勝蹙之勢若拉朽梁王棄城走死之收其金寶  
撫乂其民列衛布守諸郡皆列納款唯大理不下王率兵  
攻之段世據龍尾閔閔陰王分一軍夜從間道登點蒼山

襲其背黎明王策馬亂流攻閔閔不守至城前後受敵擒  
世拔其城會川永昌皆平間使下車里平緬不決十辰雲  
南底平夏王與征南分兵東平烏蠻餘寇諸部謂王師東  
下復叛夷兵二十餘萬圍雲南四十餘日王以鐵師萬人  
馳抹之虜間拔營夜遁時曲靖永昌皆失守王次第復平  
之事間詔征南班師王留鎮焉二十一年春平摩沙勒斬  
首千餘級三月思倫發以三十萬寇定邊東川廣西徃徃  
遙應之王率軍三萬禦之期日合戰至期分軍為三蠻以  
象乘高撞我右軍右軍少却王下令曰却者斬左軍與之  
麤中軍右軍夾攻之聲振巒谷蠻酋刀斯即斃于象蠻師

大奔斬首無算俘萬餘人盡獲其軍實思倫發遂降秋七月東川平冬十月廣西平誅者滿矣情俘五十餘明年平越叛阿資冬朝京師錫宴奉天殿賜金銀楮幣繒絲以萬計尋還鎮上慰曰爾在雲南朕無南顧憂二十四年阿資復叛王親擊之阿資僅免有詔命王還鎮以僉都督何某為平羗將軍代統其兵討之阿資來降秋遣使招八伯八伯來貢八月錫土田明年夏六月某日王立廳事忽仆于地侍者扶入曰我中風不能起受皇上厚恩不能報矣遂薨時年四十有八軍民罷市巷哭訃聞上哭之慟輟朝制文遣禮部往祭命其子椿以喪歸葬發軍護送至百司祭

于道十月戊午王喪至自雲南上遣中使往祭明日追封  
黔寧王謚昭靖賜葬于江寧長泰鄉觀音山時某年某月  
某日也勅百官郊送北塋上諭祭者三皇太孫親王遣祭  
者再部府諸司祭者一曾祖考某祖考某父某竝追封黔  
寧王曾祖妣某氏祖妣某氏妣某氏竝追封黔寧王夫人  
明年塑像功臣廟敕太常祀以大牢凡葬資皆給所司不  
煩其家雲南民夷請立廟守臣以間制曰可初娶馮氏故  
追封穎國公國用之女先王卒追封黔寧王夫人再娶耿  
氏故贈長興侯某之女子男五人曰椿馮夫人出也上賜  
以名由後軍都督僉事襲爵西平侯今鎮雲南孝友忠勤

民夷悅附以兵梟越叛阿資威震諸夷可謂能繼王之志  
矣曰某耿夫人出也僉後軍都督府事曰昌曰景曰昂側  
室出也女四人孫女二人夫天地之道尚孝而右忠帝王  
之政褒德而顯功王在鎮之二年中宮皇后薨水漿不入  
口三日斬衰哀臨終喪三年皇太子薨喪毀逾禮因以成  
疾孝足稱矣初莅督府以大學有正心之要綱目得春秋  
之旨太極圖明天人之道出師陳情表著忠孝之實終身  
披誦不輟家事治而事上必本于忠勤在鎮之日侍衛不  
過數十人德可徵矣其馭軍也敵攻無堅城守必飭從征  
討則効忠獻謀褰旗斬將及為戎首則神機橫發出奇制

勝功出漏刻有古良將風功可尚矣其為理也弘毅寬裕  
招納賢士長駕遠馭威恩兼著墾田至五十七萬畝而軍  
實克用帥師小大戰數十而軍士豫附忠可見矣嗟乎忠  
孝昭于身天下仰其光功德著于時天下被其澤王之事  
上有子道焉有臣道焉上之撫王有君道焉有父道焉非  
他人為君臣者茲也生榮死哀可謂宜矣銘曰聖皇啓運  
受命自天生氣淳淮有開必先暨暨將臣天挺神武鼓盪  
風雲闔闔寰宇五神闡珎挺生異人依光日月下上星辰  
風雲景從發迹海邦遂荒其區遂搯其吭沈沈樞府我寵  
居之秩秩皇猷我儀圖之載敷恩澤西涉渭源載敷國威

西上崑崙賀蘭之墟流沙之阻兵不頓西靈驅星昴茫茫  
井絡氣交神州載清載夷投鞭斷流式遏王誅自爾南夷  
日月出矣燭火何施天兵一麾仆山摧壑封其鯨鯢以示  
大僂額額其城大纛高牙萬方攸同六合一家布德施威  
一紀是釐習爽闇昧莫不惠來皇帝曰咨予嘉乃績黃金  
大帶龜判琮璧鈞天無人陟帝左右帝曰嘻哉朕心曷究  
追王黔寧錫北京畿以享以祀以介繁禧推尊王爵上及  
三世澤逮漏泉無凶不屆子孫繩繩世有封爵允忠允孝  
以永天祿觀山之原神通有門刻銘貞石以勒殊勲

特進榮祿大夫右柱國太傅征南將軍黔國公贈定遠  
王謚忠敬沐公神道碑  
泰和楊士奇撰

正統四年三月十八日黔國沐公薨于雲南之楚雄訃聞  
上悼念輟視朝加隆卹典遣官賜祭者再追封定遠王謚  
忠敬親王亦再遣祭其子護喪歸南京公鄉文武群臣及  
所過方岳大臣皆祭以薨之歲十一月二十六日葬江寧  
縣長寧北鄉觀音山先塋之次沐氏鳳陽定遠人其先所  
自具前翰林學士王景所著黔寧昭靖王神道之碑王之  
高祖考魯祖考祖考以昭靖貴皆追封黔寧王高祖妣魯  
祖妣祖妣妣妣皆追封黔寧王夫人昭靖四子伯諱春襲

封西平侯歿謚惠襄仲即王叔昂右軍都督府同知季昕  
駙馬都尉王諱晟字景茂自少氣宇闊厚端慤凝重聰悟  
過人而博學遠識恭慎寡言喜愠不形於色高皇帝重之  
既冠授後軍都督府僉事夙夜祇勤陞授特進榮祿大夫  
左都督時惠襄繼昭靖鎮雲南薨王嗣封西平侯仍奉命  
鎮雲南王承父兄之後秉誠殫慮益弘遠圖威服德懷恪  
勵夙夜先是麓川不靖諸蠻逐宣慰使而分據其地王適  
至奏發兵平之復奏以其地置孟養木邦孟定三府鎮沅  
威遠二州千涯潞江灣甸大侯者樂五長官司而歲徵其  
貢賦又於潞江之西置騰衝千戶所以控制之夷遂帖息

太宗皇帝臨御之三年八百蛮酋侵邊王遣將率兵先討  
之躬率兵繼其後及蒙自縣蠻聞王來遂遁進擒其酋誅  
之事間賜璽書白金勞王四年安南叛命征夷將軍率兵  
師及湖廣等都司兵討罪命王佩征夷副將軍印克左副  
將軍率雲南等都司兵分道進討王率兵由蒙自經野蒲  
斬木通道以入先遣偏裨攻奪猛烈翊華閔隘賊徒悉遁  
遂築堡駐兵造舟分遣諸將出宣光江口奪澳沕寺沙昇  
舟夜出洮水陣師遂遣將引兵泝流攻賊之富良江自旦  
鏖戰抵暮賊引却翼旦諸將咸欲奮擊王曰受命吊伐所  
欲得兇渠數人而已縱殺非皇上好生之心乃止遂造浮

梁渡師時征夷將軍大兵亦至迺合攻寇之多邦城柵繼  
擣其東西二都及盤灘困枚櫓江仙侶等寇悉破之寇首  
黎季犛父子狼狽棄其衆獨挈家屬及左右心腹遠遁于  
海王合征夷將軍兵追至日南州竒羅海口擒俘無遺械  
送京師凡得郡四十八縣百八十六戶三百十二萬五千  
九百獲象馬牛畜軍資器仗安南平六年春班師入朝賜  
號顯忠輔運推誠宣力武臣階特進榮祿大夫右柱國封  
黔國公食祿二千石賜誥券玉帶金幣命子孫世襲既大  
宴上親賜製詩褒嘉之又日賜宴于便殿還鎮雲南是冬  
安南餘寇攜貳命王佩征夷將軍印總兵討之王師壓境

寇遁入乂安海島追至占城之境擒寇首陳季擴阮帥鄧容等送京師誅之師還仍鎮雲南十七年富州蠻酋積逋賦不入朝廷命王發雲南貴州兵討之蠻據險以抗王遣兵斷其後諸將請急攻王曰威服不若德服遂使人諭以禍福蠻即遣子詣京師謝罪悉償所逋仁宗皇帝嗣位重王勲德老成詔兼太傅召至恩禮加厚遂命佩征南將軍印還鎮宣宗皇帝初嗣位遣使齎璽書及金幣勞之皇上嗣位恩禮視宣德之初明年改元正統賜金幣加厚是年冬四川會川黎溪蠻合底泊等蠻為亂奏遣弟都督昂討平之二年冬馬龍他郎甸蠻不靖復奏遣昂平之三年麓

川思任發擾邊侵掠騰衝南甸遣人諭之不下奏躬率兵  
討之兵至潞江王勉諸將曰出兵尚謀不專恃勇且逼瘴  
月非用武之時今官軍已集如賊能畏威悔過摠誠謝罪  
請命赦之斯亦可也遂復遣人諭之不下乃命弟昂及都  
督方政等率兵前進王尤戒其慎重時王整兵在後政等  
夜渡江破賊柵賊衆奔北官軍乘勢追至景罕等寨斬首  
三千餘級獲象三十餘政奮勇獨進賊伏兵四發政力戰  
死之時春已半王慮瘴發非官軍利遂旋師將駐金蔭會  
有旨命王還鎮王至楚雄疾遂薨方疾革時顧弟昂曰吾  
父子兄弟受國家天地罔極之恩吾不能報矣吾弟勉之

吾一家子子孫孫世堅忠誠保臣節無忝親君又顧昂曰  
斯役也雖偏將失利固吾總師之過此賊不可貸汝勉之  
勉之言訖而逝歸櫬所過道路城郭無貴賤小大皆拜哀  
慟盖王在鎮久惠愛之被于下者深也王忠孝之誠本乎  
天性無或弗盡與子弟言亦惓惓斯道友二弟甚厚教子  
孫動以禮法家政秩然位極人臣而禮賢重士虛已聽納  
寬裕有容未嘗面及人過凡文武屬吏有過者惟恐王知  
務自掩盖其因自悔徙行者亦多王明於齟畧然以仁為  
主蠻夷有罪未嘗輒加兵誅必諭導使改數諭弗悛乃奏  
發兵逮兵入境若夷能知懼罪亦曲貸之與之更新雖臨

城必戒麾下毋縱殺戮賞罰明信威愛茲行至於完城池  
飭武備訓將士理屯田通水利實倉庫恒謹成法若輕徭  
賦閭疲瘵尤勤致意學舍藝陋具材僦工葺之不以煩下  
治公有暇手不釋卷稽古明道動師昔賢蓋從容乎文武  
之才仁義之師也配程氏追封定遠王夫人子男一儼襲  
黔國公孫男一圮至是王之子以事狀求余書神道之碑  
謹按狀叙而銘之銘曰天啓皇明于淮之右配天與地篤  
生帝后二聖至仁作民父母心存萬方包含編覆矧旅在  
里靡攸怙恃二聖矜側日其子予鞠之誨之勞劬備周以  
長以成有偉才猷帝有恩言爾復爾氏懋乃樹立葺乃先

祀嗚呼昭靖盛德豐功皎日之誠持孝與忠嗚呼忠敬續  
乃烈考惟考之執惟忠之蹈發軔都府簡在宸心夙夜弗違  
秉其慎欽往綏滇人幾五十年率考之行敷帝之恩俾食俾  
衣免其寒飢重學崇師導之尊卑平其政令時其作止人  
戴惠慈淪骨浹髓有或弗惠以諭以誨游誨弗悛式劉以  
戒交人悖克披猖為狂違天毒民軼我邊疆奉詔出師往  
行天討桓桓疾馳雷驅電掃富良飛渡如履坦途兩師窮  
追縛寇海隅解縱脇從宣布教條爰整師旅凱歌歸朝飲  
至策勛上公錫爵嘉寵元臣龍章輝灼滇人之思瞻望旆  
旌帝不忘遠申命南行祇事五朝鞠躬小心奉國忘家

志如堅金寸棘未剪躬不寧處過自偏禪于躬引咎終于  
王事德善孔多顯顯華褒千歲弗磨沐世子孫奕象賢篤  
忠與孝永光其傳

浙江圖書館

明故鎮守雲南總兵官征南將軍太子太傅黔國公  
贈特進光祿大夫右柱國太師謚武僖

沐公墓誌銘

倪岳撰

弘治丙辰九月七日鎮守雲南總兵官征南將軍太子太  
傅黔國沐公以疾卒于鎮是夜有大星自東北墜于西光  
芒亘天人皆見之殆非偶然也公元子旣卒合鎮文武軍  
耆之屬相向而哭者皆失聲已乃昏相告曰雲南非沐氏  
不能守遂合辭請以故右叅將錦衣都指揮誠之子崑為  
公後鎮巡重臣具以公訃及合羣情以聞  
上震悼輟視朝一日贈特進光祿大夫右柱國太師賜謚

武僖 命禮部 諭祭者十六 東宮諸王皆賜以祭給

驛歸其喪工部營墳以葬復以雲南重鎮遂從所請 命

崑就鎮嗣封黔國公爵充總兵官佩征南將軍印繼守其

地嗣公既受 命始獲遣官奉公之喪歸葬南京江寧之

祖塋且具巡撫雲南副都御史張公汝欽所述事狀緘書走

幣請予為銘以誌其藏按狀公諱琮字廷芳姓沐氏別號

益菴又號東山居士其先鳳陽定遠人曾大父英開國輔

運推誠宣力武臣特進榮祿大夫柱國西平侯追封黔寧

王謚昭靖大父晟顯忠輔運推誠宣力武臣特進榮祿大

夫右柱國太傅追封定遠王謚忠敬父斌總兵官黔國公

謚榮康母梅氏贈黔國太夫人公生之日百鳥翔集人以  
為異未晬失怙從兄璘號繼軒有文武才由都指揮陞右  
都督充總兵官佩征南將軍印繼鎮雲南撫公友愛篤至  
四五歲時嘗抱置膝上教以詩書八歲就學不數月即能了  
涉孝經論語小學諸書大義善屬對應答如響音未幾璘卒  
朝廷以公尚幼復命璘弟瓚嗣兄職為都督同知繼鎮雲南  
仍授公冠帶食祿之半以俟公日與縉紳士夫游揖讓進退有  
老成風嗜學不怠詞翰兼美人咸器之成化乙酉入朝  
嗣黔國爵

憲廟寵眷有加喪禮有白金文綺之賜丁亥三月命還

鎮雲南如祖宗故事

勅旨諄切錫賚優渥仍俾兄瓚協

同贊理公沉毅有為不妄言笑勤於為政公退不入私室  
冠帶終日寒暑无間精究簿書事無壅滯凡白事者雖僕  
隸走卒亦引見於庭上下之情无復壅遏每遇脩貢或拜  
進表文必焚香遣使不遑寧處聖壽歲節行禮敬肅

如在上前朔望謁孔子廟退坐明倫堂使諸生執經進  
講誘掖獎勸無所不至作興學校完飭禮器給學田展解

額設宴禮以興起後進惠養鰥寡驅除貪暴物害旣去人隱

畢宣嘗奉

勅督理軍儲留意屯田脩治水利慎簡羣僚

分任其事不數年間田无惰農庾有餘積矣或雨暘愆期

有禱輒應民謳歌之農暇脩邊壘飭驛傳因時訓練振揚  
威武道路險要之處增建哨堡置兵守之是以盜賊銷弭疆  
圉晏然每邊夷執贄來見一無所受賞以酒肉幣帛諭以  
朝廷恩威而遣之威德遠被諸夷敬服甲午安南國王遣陪臣  
何瑄至邊以假道為名窺覘虛實公逆知其情拒不許詐  
不得騁則侵老撾以啓豐公具以聞請勅切責復命  
各夷酋長整擗軍馬慎固封守以防不虞交人知我有備  
不敢肆侮遣使詣關謝罪之戊戌尋甸府土官知府安  
晟卒弟倘謀殺其子瑄欲爭襲兄職公遣官兵擒倘以  
聞明正典刑廣西府土官知府昂貴殘暴虐民抗拒官司

其千百夫長龍判龍 各逞夷情動輒離殺委官審勘擒

捕及昂貴死遺子不許承襲二府皆 奏請革去土官銓

流官以治之開設學校教之禮義百姓安焉其馬隆麗江

劍川順寧羅雄等處蠻夷弗率皆量遣官軍以次掃定既

而臨安府石屏州昌明里強賊番撒聚衆搶虜附近村寨

勢漸猖獗命三司都指揮吳瑤等調漢土官軍及民兵往

征之格殺番撒斬賊級百餘殘孽潰散民免於擾己亥鉄

箐赤石崖等處羅、剋習嘯聚山林流劫大理等府公奏

調楚雄等府衛漢土馬步官軍民兵命三司都指揮周佐

等授以成算督率分守指揮馬鉉等分道進兵攻散其衆

斬獲剋習俘男婦百餘賊平復請添設大羅衛兵川州以  
為保障從之朝廷嘉其功賜勅獎諭尋遣使賜以盃甲壬  
寅奉勅偕都御史程公琮往撫孟密所過州縣秋毫無擾  
時有以平孟密方略獻者公斥之曰自征麓川以來軍民  
凋弊極矣我寧被不善控禦之名不忍復事窮兵黷武之  
禍聞者跽之發卯橋甸賊首師五聚衆為亂張旗幟稱總  
管剽掠鄉村焚毀靡宇支解軍民敵殺官軍安寧鎮南廣  
通祿豐易門十數州縣咸被其害乃與鎮巡重臣合議命三  
司都指揮趙晟等調漢土官軍民兵分道進攻斬首千餘  
級俘男女數百人生擒師伍暨其妻孥境內始安具錄將

校首功以間 朝廷特賜勅歷敘公在鎮功績加授太子  
太傅以嘉獎之乙巳南甯蒲賊莽立負固距險搔擾永昌等  
處地方行旅不通民多殺傷復命晟等率兵以往且諭之  
曰山路險阻難於攻圍真以計取至則果如公命生擒莽立  
及同惡渠魁以歸宥其脅從一境悉平弘治改元戊申

今上即位之初念公久鎮外藩特遣使 賜以白金文綺已

酉賞平橋甸功將校陞秩有差復遣使 賜公白金文綺

公生長勲 穎敏過人端勤有守苞苴不敢及門精究武

經諸家兵法及陰符奇門諸書知用兵之要每命將出師  
算無遺策所向有功平居孳孳嗜學手不釋卷至於陰陽

卜筮命星之術靡不究心善草書自成一家歌詩樂府富麗可觀性孝友自痛早孤事母竭盡子職及辛亥毀喪葬以禮待族黨咸有恩意御下寬而有制不事嚴刻雅量汪洋喜怒不形勢位已極戒滿思危兢之業之未嘗有過衆方以遠大奇之而遽止於斯惜哉其生為景泰庚午閏正月十又三日春秋四十有七而已配王氏成山侯某女繼王氏今吾左衛指揮同知某皆封黔國夫人葬以己未三月某日銘曰

大明天開 神聖有作猗歟昭靖從 龍奮躍撫馭滇南

疆土恢拓勲賢世繼德業並焯爰有武僖蚤嗣穹爵克繩

祖武丕闡戎略雄藩載寧亂賊屢縛蟲螭畢驅氣稜以廓  
隱然長城萬里之託聲望日隆 寵賚亦渥積胡之豐而  
壽之約星芒宵沉遐邇駭愕

卹典渙頒永慰真漢有崇者封如舟在壑我銘以藏庶亦  
無忤

浙江圖

鎮守雲南征南將軍太子太傅黔國公贈特進光祿  
大夫右柱國太師謚莊襄沐公神道碑銘 楊廷和撰  
公諱崑字元中姓沐氏黔寧昭靖王諱英之五世孫也王  
第三子定邊武襄伯諱昂於公為高祖武襄生錦衣衛百  
戶諱僖百戶生都督同知諱璣都督生都指揮諱誠以叅  
將嗣守金齒公之父也母夫人李氏生公九月而孤祖母  
賈夫人育之弘治四年龍衣授錦衣指揮僉事時甫十歲黔  
國武僖公無子立嗣九年武僖卒以襲爵請 廷議謂公  
於武僖為從孫止當嗣始祖西平之爵下雲南守臣覆議  
以為百餘年來雲南人止知有黔國公之號不知西平侯

也一旦改公為侯人心惶惑或至生變柰何 孝皇是  
之命就彼寵公爵 賜璽書佩征南將軍印鎮守雲南公  
既受 命則北鄉稽首再拜以謝曰惟茲爵土 天子之  
所授也崑弱不更事曷其能負又拜於家廟曰惟茲世祿  
祖考之遺也崑德不數敢不敬承夙夜兢業出謀發慮必  
遵 聖諭守家法咨于官僚詢于故老合于人情而後行  
令肅而平法簡而信食菜之外無他科取簡士卒繕城守  
惓惓以安內攘外為念十三年龜山竹箐等處蠻賊流劫  
公發兵誅之明年孟養侵孟密村寨檄三司撫諭之卒復  
其舊十五年普安夷婦米魯之變公與貴州守臣合兵討

之首惡就擒餘黨悉定正德三年師宗州賊張長受六年南  
安土舍那代相繼作亂公皆剿平之前後降勅褒諭三  
加歲祿至百石者再賜白金絲幣者五十一年上念  
公守邊之勞加太子太傅以母夫人卒三上章乞護喪祔  
塋南京先塋上以公任重不允優詔慰答之蓋再踰  
年而公卒矣十四<sup>年</sup>六月十八日也得年三十有八訃聞  
上悼惜之贈特進光祿大夫右柱國太師謚莊襄命有司  
給構具賻米五十石布以足計者亦如之工部治塋域禮  
部諭祭者十有四親王亦致祭焉異數也公資性明敏  
書一再讀輒能背誦弱冠諸經子史騷選之言多所涉獵

下筆為詩文至欲與書生爭能然亦未嘗刻意苦思也居  
 常冠帶終日言笑皆不苟勤於政理手答書疏公餘或憇  
 栖鳳亭或登望宸樓招延文士與之講議大學士丘文莊  
 公嘗為武僖記忠愛之堂公愛之親書數過刻梓置之廳  
 事日三復之先世述作亦編次刻之以傳于後家人子弟  
 中擇其俊秀者使習字學錄家乘及古今異書強壯有力  
 者讀兵家書演武事各隨其材器而教之一時世祿之家  
 所未有也公在鎮二十有一年廡靜不擾所部文武力士  
 蠻夷酋長及蠻 獒羅睨之種人人以為有德于我其卒  
 也哭之皆盡哀初娶于樊為駙馬都尉凱之女封黔國夫

人先卒繼以孫南京

指揮

之女子男一紹勲

嗣公爵鎮守雲南女二尚幼俱樊出公塋以嘉靖 年

月 日墓在

少傳敬所蔣公為之銘嗣

公復遣人來京師奉事狀屬予銘其神道予友遂寧黃簡  
肅尚書往年以御史監軍貴州與公同事函重公嘗為予  
言之行應銘法銘曰 昭靖之澤世在南土南人戴之曰

惟我父以及莊襄繼序者五有 常莊襄既文且武戴其先  
德以鎮以撫竹箐輿妖擣其巖阻蠢爾孟養亦莫敢侮箐  
兵而西遂殲賊魯師宗南安孰其跋扈搏之蹄之翦此獍  
翰南土曷依是惟城府南人曷怙是惟棟宇官有章程民

有倉庫 帝惟汝嘉拉我藩輔慨汝先人實佐我 祖汝  
克肖之我無南顧今也則亡何以慰處何以恤之有腆  
恩數嗟嗟後人念此功緒刻銘墓道以詔終古

浙江圖書

征南將軍太子太傅黔國公贈太師謚莊襄沐公墓誌

銘

崑

全州蔣冕撰

自黔寧昭靖王以西平侯奉高皇命統兵下雲南留鎮其地繼以王之伯子惠襄侯仲子定遠忠敬王及忠敬之子榮康公未幾而忠敬叔弟定邊武襄伯之孫右都督東樓居士繼之既而東樓之弟都督同知與榮康之子武僖又繼之以至于公首洪武癸酉訖正德乙卯公卒之年傳五世歷八人閱百四十年世篤忠貞敷宣德意綏輯民夷前後如一日忠敬在鎮餘四十年佐以武襄雖國封啓于忠敬而益固封守安內攘外則武襄之功尤有不可泯者武

襄諱昂公之高父也魯大父諱僖錦衣衛副千戶贈右  
都督大父諱瓚即都督同知父諱誠錦衣衛都指揮使克右  
叅將嗣守金藍母徐氏生母李氏俱封夫人以成化壬寅  
某月日生公生甫幾闔月而叅將沒大母賈夫人育之弘  
治庚戌賈夫人沒公雖童孺已哀痛如老成人明年授錦  
衣衛指揮僉事以年纔十齡如例優給初武僖無子以公  
為後丙辰武僖卒廷議謂公為武僖從孫止宜嗣昭請初  
封侯爵事下雲南守臣覆議咸謂百餘年來雲南人習知  
黔國之稱一旦改公為侯而稱西平恐人心矜疑或致生  
變孝廟俞其議命公不必赴闕就彼嗣公爵勅佩征南將

軍印鎮守雲南時弘治丁巳之十月己卯也踰旬仍特詔  
諭公親賢取善修德進學以不墜前烈公既拜稽受命夙  
惴惴思所以仰副聖訓以光世美者事無小大必謀之寮  
案訪之耆舊務俾允合人情不違法制而後行之令嚴  
而不苛法簡而能信自食采外毫髮不取於人所部文武  
吏士蠻夷酋衆無不服其廉靜政務既修乃簡閩士卒繕  
治城守汲汲以攘寇安民為事庚申統兵勦龜山竹子箐  
及梁王山等處蠻賊寇平而人不擾辛酉益養侵孟密境  
土檄三司撫諭之復其村寨十三處壬戌偕巡撫都御史  
應城陳公會貴州守臣合兵討普安賊婦米魯及蠻賊福

祐等首惡就戮食言 恣平正德丁卯師宗州賊張受辛未  
安南長官司上舍那伐相繼扇亂流劫鄰近郡邑公次第  
剿平先後事聞降勅褒諭者三加歲祿至百石者再賜白  
金文綺者五丙子加太子太傅丁丑以母夫人李氏樞將  
祔塋南京祖塋懇乞護送䟽至三山廟廷以公未可離任  
不允而優詔褒荅特深委重焉己卯六月十八日以疾卒  
于正寢得年三十有八訃聞天子嗟悼輟視朝一日命有  
司給棺斂賻米五十石布以足計者如米之數贈特進光  
祿大夫右柱國太師賜謚莊襄工部營北域自初喪至祥  
禫遣官諭祭者十有四親王亦再致祭卹典優渥近時勲

臣家蓋鮮儷云公諱崑字元中姓沐氏別號玉崗自幼端  
慤凝重寡言笑喜愠不形色見者謂其有忠敬風槩而學  
問之力尤有過人者天性明敏好學不厭未弱冠於六經  
子史駢選與夫紀墓言諸書多所記覽偶爾談及輒亶亶  
弗能休稠人廣坐中分韻賦詩伸紙立就酬答書疏會議  
政務皆出手筆公餘或憇棲鳳亭或登望宸樓招延賢士  
與之討論文義徃徃至夕忘倦先師大學士瓊臺丘公嘗  
記武僖忠愛之堂公讀而愛之手書數過刻置廳事日必  
三復焉先世述作文字亦多編錄刻梓以傳于世家人子  
弟中擇其俊秀者習字學使之錄家乘及古今異書強壯

有力者讀兵家書樣演武事蓋恐其閒逸無所用心或博  
奕飲酒漸至驕惰也公雖酷嗜文墨未嘗玩物喪志冠帶  
終日勤於政理在鎮二十一年終始無少異其卒也軍民為  
之巷哭者所在城市商賈縞素往哭于其家者踵相躡于  
途公之所以得於人者槩如此配樊氏駙馬都尉凱之女  
封公夫人繼孫氏南京某衛指揮某之女子男一紹勛嗣  
公爵繼鎮雲南女二皆在室俱樊出塋以卒之後六年甲  
申是為嘉靖三十年某月日則某月某日也墓在江寧縣  
長泰鄉祖塋之次先期嗣公遣使奉事狀以墓銘見屬予  
雖未獲識公而毋旧隸戎籍于海在公所部辱公推愛也

久書問徃來垂三十年於公履歷知之為悉義有不容辭  
者故既序其事行而復繫之以銘銘曰昭靖下滇遂鎮其  
地歷八九傳閱五六世懿哉忠敬肇啓國封益固封守武  
襄之功厥孫東樓下逮其弟委社儲祥莊襄來繼祇適先  
德文武兼優安內攘外紓南顧憂孰為不廷提兵徃討馬  
蹄所經颺馳電掃竹箐底定孟養載寧師宗安南以次削  
平厥勲疇鉅擒賊米魯自茲百蠻孰敢予侮惟滇萬里隱  
然長城豈謂一旦遽圯以傾當宇興喟美謚爰錫三師穹  
階於公肯惜嗟嗟後裔思繼前聞惟忠惟孝以報吾君高  
墳峩峩貞石有紀嗚呼莊襄其藏在此

浙江



浙江圖書館



明故資政大夫戶部尚書贈太子少保侯公墓誌銘

公諱觀字仕賓姓侯氏其先山東諸城人永樂初曾祖諱文質以閭右徙實畿內遂占籍雄縣初諱林王府庫大使俱贈資政大夫南京兵部尚書曾祖妣柳祖妣王俱贈夫人父諱瓚南京工部尚書進階榮祿大夫母王氏贈夫人公以成化十三年舉鄉薦明年第進士試政戶部又明年授河南登封令勤恤民隱薄別宿弊邑有豪猾武斷鄉曲父子世濟其惡人以虎目之公廉得其情置之於法積害頓除十八年大旱繼以瘟疫公禱於中嶽願以身贖移時雷電交作大雨如注病者以起歲亦大熟二十年復旱流

離餓孚枕藉道途公發倉賑貸老羸不能支者為粥食之  
賴以不死者甚衆部使者交薦之以治行異等 徵時榮  
祿公為兵部侍郎例不得任御史乃授戶部主事弘治二  
年淮徐大水奉 命往問百姓疾苦奏免其租稅有差丁  
毋憂服闋復除舊官九年陞員外郎明年進郎中十四年  
行河督漕運令嚴而信領運者皆如期而至尚書周文端  
公噐之雲南司缺郎中薦公自西司調補其處蓋雲南江  
司屬京府事倍他司故也部中章奏多以委之十八年陞  
南京太僕寺少卿既之任念榮祿公年老留京師䟽乞終  
養凡衣服寒襖之節飲食多寡之宜必一一調劑而後進

每初度必張筵邀致諸公卿登堂為壽率諸子姓承歡膝  
下榮祿公樂之正德二年冬榮祿公有疾公親侍湯藥晝  
夜不去左右衣不解帶者十餘日比卒哀毀益甚五年改  
太常寺少卿提督四夷館尋進本寺卿七年陞戶部右侍  
郎總督京通倉場明年理部事又明年虜入宣府大同二  
邊十一年盜起畿內皆命公兼左僉都御史理軍餉有  
白金文綺之賜轉左侍郎武宗北巡應州之後復兼  
憲職隨軍給餉班師賜飛魚衣三襲廕一子世官十四年  
陞尚書仍總倉場疏請裁冗食停工役以實京儲下廷臣  
集議咸是公言謂宜即令臺諫查革不報今上御極乞

休致 温旨留之四上乃得請令有司給廩月三石輿隸  
歲四人公感泣謂其子孫曰 主上之恩厚矣吾以無為  
報汝曹勉之既退杜門謝客終日端坐閱書史問親友至  
則飲酒數行與與如也久之歸雄縣得疾復就醫京師竟  
至不起實嘉靖壬午九月十七日也訃聞 上悼之贈太  
子少保命禮部諭祭者再工部治塋域我 朝人才之盛  
遠出前代百五十餘年來父子官尚書者纔七家公其一  
也亦可謂世家也已其生景泰甲戌十月十一日春秋六  
十有九配何氏封淑人有賢行子男二人長謚國子生醇  
謹足世其業次誥錦衣衛百戶先公卒女二人光祿監事

李尚忠錦衣百戶何天祐其壻也孫男二人長承恩次尚  
幼孫女一人以卒之明年九月六日塋墓在縣城東北去  
先塋里許公孝友天至榮祿公性嚴厲事之少當其意者  
公委曲承順無少忤晚年服金紫終日侍側無惰容其兄  
主事泰後公舉進士公事之如父師與其弟豫巽相繼捐  
館公撫其遺孤如己子延師訓迪俾各至成立待宗族有  
恩義篤於故舊鄉人來謁者雖田夫後進亦接遇以禮自  
奉儉約婚喪有不能舉者必極力周之在卽署十七年始  
得一調歷任兩京四十餘年鮮有過舉其勤慎守法如此  
公舉進士與予為同年居相隣

自雒來予極往

候之不及見數日遂卒予哀之且葬謚奉春坊諭德李君  
宗易狀請予銘公行宜銘銘曰 家學傳經蚤以制舉孚  
惠于民登封之理頌干嵩少達于 天子乃以親嫌不為  
臺史孰謂曹郎不足自試行視徐淮條上便宜民有疾苦  
我其除之勉勉三事荐更劇司考牧于南昌為其辭曰有  
親在遠可遠而是謂養志我親則順至於大事竟亦自盡  
遂攝象胥業隨職進專領金穀法守彌慎父子尚書益大  
其聞未老而休無殆無辱雖則家食寵有餘祿及其考終  
卹典優渥琢辭于石孝友是錄最其大者為後人告

楊廷和撰

少保戶部尚書孫公傳

顧璘撰

序曰公卿國之幹人士之表也德操風誼之所漸沿國運  
世道因之盛衰不可以微細觀也璘仕弘治初猶及接見  
英憲二朝諸先進至于今有遺慕焉所受知尤深者凡  
六也公戶部尚書九峰孫公其一也今璘奉役顯陵乃在  
其本鄉每登其堂禮其墓問其父老宗族訪求其行實作  
私傳

公名交初名蛟鄉誠舉人太學立文莊時為祭酒大見器  
重為更今名字志同其先本廬之合肥人五世祖銘方

高祖兵起兄弟六人迎於采石旋以功授湖廣安陸衛正  
千戶弟淮達皆百戶天下既定銘卒子虎及炳入見

高祖撫之曰吾部曲兒也虎讓官炳調陝西西安右護衛  
自居安陸故今子孫為承天人虎生毅毅生盛盛生忠忠  
生公後公貴贈祖考皆資政大夫南京吏部尚書公舉成  
化辛丑進士初任南京兵部車駕司主事器識已緒見尚  
書王端毅公轉吏部郎薦陞稽勲員外郎尋調文選樂與  
謀議甚合陞驗封郎中乞歸省遂丁父母憂剋執喪禮以  
孝稱起復補稽勲郎中調文選前後居吏部十四年留意  
善類多所援引飭躬勵行不計恩怨人莫敢干弘治辛酉

遷太常少卿提督四夷館 上遣經略黃花鎮諸邊隘賜  
金綺以行公親歷險要指畫方略增墻塹廣樹藝俾虜騎  
不得馳突請罷邊衛柴炭折銀以甦軍困銓衛學教授以  
訓武官子弟併條陳邊務數事皆見

嘉納正德丙寅擢光祿寺卿時權倖橫濫公操縱節縮得  
免大匱戊辰進戶部右侍郎提督倉場時內外倉紛置宦  
豎漕卒大困公上疏極論得裁其半己巳改吏部右侍郎  
逆瑾驟用陝人張綵為尚書更張躁妄人無敢言公累引  
王端毅故事為諷綵銜之調公南京吏部瑾等敗誅進南  
京吏部尚書辛未 召為戶部尚書賜玉帶麟服及中禁

書會錢寧等復幸與諸佞倖奸請鹽引蠹撓邊計公拒止  
極為憂勤時燕齊河洛及三蜀之間大盜並起召諸邊勁  
兵入討劑量供饗遠近无乏 上冊言者議改故妖僧繼  
曉永昌寺基為太平倉命公董治已而改賜倖臣朱德公  
上䟽言積天下大命是地毀民居數百家費官銀十餘萬  
已傳聞四方昔田粉外戚請考工隙地益宅漢武尚怒不  
許得何人可輕畀此遂已雲南銀坑領于鎮守太監毒民  
御史請屬有司公言滇南夷方大利所興恐後遺患封之  
便諸沮抑權貴類此者衆諸豪因誣 上令公與禮部尚  
書傅公珪皆致仕朝著駭愕給事中李陽春御史原軒等

與南臺諫並疏謂二臣人望不宜聽其去不報時癸酉六月也居无何今上繼統召為戶部尚書固辭不獲乃起慨然以天下自任首論京通倉增置內臣太冗蠹刻漕卒且以闔豎預邦計非

祖宗制乞一切剋革責成戶部

上裁其半著令勿增次

論御馬監內臣宜遵

祖訓專管蓄牧不宜臨覓輸納芻

豆宜令戶部通知馬數杜其侵耗上林苑監本以牧牲植  
疏今內直奪其地役其人百姓重困乞革去內臣歸地于  
民皆從之又請革廣東採珠內臣論安陸皇莊租課宜  
付有司不報大禮既定希合之徒上言請遷獻皇帝陵

公極論 山陵事重我 太祖初欲遷 仁祖於鍾山慮

泄靈氣而止具載 皇陵碑今宜斷自 宸衷凡紛更私

議悉勿聽竟寢公前後居戶部時值國用告急多方節裕

尤慎於鹽法至若權宜輸粟唯主員入監一途執不肯行

壬午以三載考績 上遣中使賜羊酒癸未疾遣醫視療

命中使賜珍膳既愈上疏乞休有曰臣恐不獲生還復如

毛澄矣時禮部尚書毛公澄乞骸道卒 上聞惻然允其

請 手詔加太子太保令子編脩元侍歸並給有司時加

存問月給食米歲給夫隸復賜寶鏹為道里費公辭謝不

允戊子 恩詔進光祿大夫柱國壬辰壽八十乃十二月

四日以疾終先是元以四川按察司副使請侍于家卒之日風霾先作日月赤晦遠近悼慟計聞上為震悼輟視朝一日賜諭祭者九遣官營葬遠近弔誄至衆戶部侍郎滇南張公志淳為祭文叙述其平生時稱實錄可不謂生榮死哀始終全節者乎公詳慎恭遜處物樂易就之如春至中心執義則耿介不可奪自奉清約燕居有禮暑不袒露鑒別涇渭親踈不奕然絕口不言人過巖敬先祭器不以他用厚於故舊或無後者猶及其家人慈仁天至人所莫及也至若室無婢媵僮僕不以奴斥又其餘事耳性好山水郡有鷄籠山去家百里九峰並峙築室讀書其中

自躡九峰迂儒所至見竹樹叢秀或不能爲臺榭則設木  
根石磴時往眺咏或茗椀對之亦自暢適不求備也嘗曰  
仕宦淹速皆數命一定莫可前却造物特假手于人耳故  
平生無求於世有司爲營坊表輒謝止都御史潘公旦嘗  
移檄曰公學必師乎聖賢行唯約乎道義清介絕俗明哲  
保身宜俵閭里以彰不朽致罰金若干兩徐侯潘遷竟還  
之所司其廉靜可推己所著詩文有九峰退藏稿奏議有  
憂勤錄在吏部有銓曹衡鑑太常有內閣紀聞他如國史  
補遺春秋博約安陸郡誌若干卷藏于家子男二伯即元  
初任温州府推官擢監察御史改翰林院編脩陞四川按

察司副使文學器識不替前武仲京以廕補國子生未仕  
慷慨有氣殊常人孫若曾能世其家未艾云

論曰嘉靖初 天子富於春秋興道致治卓然以三代爲  
準時則召起浙謝公遷閩林公俊楚則公二三故老雍容  
廟堂不大聲色而寰海內外日饗於治平矣無何咸以病  
去君子惋惜痛憾於天道云嗚呼若數公所謂老成典刑  
者是也今按其姓氏想像其形容若商敦周彝黯然不見  
其色而何使人追慕之深也然則天下之治果不貴於赫  
赫者乎

浙江圖書館



浙江圖書館

資政大夫太子少保戶部尚書贈太子少傅致仕東

溥石公神道碑銘

謝遷

太子少保戶部尚書東溥石公卒且七年矣嘉靖丁亥冬予被召至京其子中軍都督府都事經奉狀請銘神道之碑予憶公與其弟少保熊峯公常受易於吾友華叅議廷禧楊學士維立已占為偉器迨公為御史時予方備員內閣雅重其風裁而少保公在翰林契誼尤厚茲以銘見屬若有所擇而待焉者安可以衰朽辭公諱玠字邦秀號東溥又號勿菴世為藁城著姓金元間有長卿漢卿才卿者並以信厚聞號三石家高祖諱永避元季兵亂僑寓高洛

國初始復故業曾祖諱友智祖諱麟臨晉縣學教諭祖妣  
徐氏旌表貞節考諱玉天順甲申進士由監察御史歷官  
山西按察司妣趙氏趙府紀善準之女太子賓客民望之  
孫祖考考俱累贈太子少保戶部尚書祖妣妣累俱贈夫  
人公幼警悟倜儻徐夫人撫之曰是兒酷肖若祖其大吾  
門乎按察公教之易畫卦爻推竒偶錯綜畫六十四卦試  
之輒不謬遣從師必擇名流成化癸卯遂以易魁順天鄉  
薦丁未進士授汜水縣知縣有惠政至弘治癸丑召爲河  
南道監察御史丁卯奉勅覈大同邊儲丙辰按甘肅辛酉  
復按陝西邊務興革悉中機宜監臨鄉試號得人乙丑推


綜三法司事左都御史浮梁戴公素知公事無巨細悉委之丙寅陞山西按察司副使督學政教人以脩德行務經學為本己巳陞本司按察使庚午陞右布政使尋轉左至是去按察公舊治僅二十年而吏民安其政如按察公時人以為世美常作瞻栢堂以志感辛未陞都察院右副都御史巡撫大同公既久歷邊陲習諳戎務凡將領而下量才任使皆得具宜間有違法者裁以大體不為深文小苛故人爭盡力邊境用寧未幾入為兵部右侍郎時遼東諸夷不靖命公以左侍郎兼右僉都御史往諭之公宣布威德即相率歸復使還詔廕一子為國子生仍加俸一級癸

酉陞右都御史乙亥陞戶部尚書時武宗數北巡日有調  
集軍費不貲公經營籌畫未嘗告匱丙子二品秩滿加太  
子少保賜蟒衣玉帶公恪守成憲會錢寧竊權阻壞鹽法  
公累執奏與之忤被讒奪俸因懇疏乞休得允賜勅乘傳  
還鄉有司月給米四石歲撥夫四名公歸杜門却掃意緒  
澹然居二年輿論望其復用而遽以疾不起寔正德辛巳  
二月六日也距生天順癸未八月六日享年五十有九訃  
聞賜詔諭祭令有司營兆域贈太子少傅以卒之年九明  
十三日葬徐村祖塋之次配劉氏累封夫人子男一即經  
側室王氏出公天性孝友待物寬厚居官以誠信愛民為


本自俸祿外無壹毫妄取及請老歸葺所居僅蔽風雨視  
弟少保公及瑾珮瑱友愛備至姊歸周氏早歿撫甥紀如  
子喜讀國語左傳尤好淵明樂天詩所著有東溟漫藁藏  
於家惟漢石奮位九鄉四子皆官二千石而建慶尤以醇  
謹稱並躋通顯後子孫至二千石者十餘人公先世樹德  
長厚發於按察公不竟厥施而又於公及少保公大發之  
公已矣少保公雖退休猶繫衆望後昆方來有未可量者  
德門餘慶吾知百世之下三石家與萬石君當嗣稱矣姑  
以予言為驗哉乃銘曰維萬石君長厚是稱後胤三石望  
于藁城有鳳鳴陽栢臺是止聯嗣鳳毛是父是子地因人

靈偉哉東溥德肖厥祖器並璉瑚乘時奮庸周旋以易伯  
仲之間砥礪允力小試汜水旋歷晉陽敷政優游網舉目  
張簡在帝心都臺民部盡瘁事國法行用裕中外一致古  
人所難公心惟一隨寓且安時倖作奸奸熾方熾正固在  
我去復何忌位不滿德人望則然豈天弗定而嗇其年徐  
村之原寵光赫奕尚啓後昆媿羨萬石

浙江



浙江圖書館



浙江圖書館



浙江圖書館

浙江圖書館善本

甲登記號：006659

一九 年 月 日



浙江圖書館

colorchecker CLASSIC



xrite



